

江都縣志

列女

冊第

江都縣志卷之二十九

江都縣知縣五格黃湘重修

列女

古傳列女表婦德也固不專志節烈然節樹千載之心烈挺全身之義婦德孰有大於是乎靈爽昭布百世猶新其孰敢以愛憎為棄取自取罪於冥冥之中其若內行純粹有足不媿賢媛者王化始於閨門則亦採風者所不敢畧也至或閭里中舉報未周抑或其年例有待表章之責是在後之君子補遺闕焉志列女

江都縣志

卷之二十九

列女

一

三國范姬廣陵范慎女年十八歸郡人孫奇一年奇亡慎以姬少寡無子迎之不肯歸迎者以父命逼之姬遂操刀割耳及鼻迎者驚奔告其父乃止

晉華母廣陵人黃門侍郎華誦妻晉秘書監華譚母也譚期歲而孤母年十八守節鞠養備至譚舉秀才廷對第一官秘書監以文學見稱人以為母教云

北齊顏氏揚州獄吏妻也姿色絕人太守聞而奪之遂自刎死今相傳顏小娘子塚是也

陳徐母廣陵人徐靈禮妻室焚冒火救其兒與俱焚死太史劉俊以聞詔恤其家

隋元氏河南人華陽王楷妃楷被幽廢妃事之愈謹江都之亂宇文化及以妃賜其黨元武達武達初以宗族置別所後因酒醉逼之妃不從武達撻之百餘辭色彌厲因取髻自毀其面血淚交下武達將釋之妃曰我不能早死罪也因不食而殞

唐魏氏揚州人樊彥琛妻彥琛病魏泣曰妾不忍君獨死彥琛曰死生常道也幸養諸孤使成立若相從而死非吾取也彥琛卒後值徐敬業起兵聞魏氏知音召令鼓箏魏曰夫亡不死奚忍操絃引刀自斷其指軍伍欲強妻之固拒不從乃以刃擬魏頸曰從我者不死魏厲

江都縣志

卷之二十九

列女

二

聲曰狗盜乃欲辱人速死吾志也遂見害聞者傷之溫氏揚州人北海太守李邕妻邕坐法下獄流嶺南溫爲邕請戍邊自贖其畧云邕少習文章嫉惡如讐不容於衆邪佞切齒初蒙訊責便繫牢戶水不入口者踰五日氣息奄奄唯吏是聽事生吏口迫邕手書貸人蠶種以爲枉法手足巖固號天訴地誰肯爲聞泣血去國投骨荒裔永無還期妾願使邕得充一卒効力王事膏塗朔邊骨糞沙壤成邕夙心表人不省天下矜傳其文李氏揚處州妻宰相鄜女也以壺德爲縉紳間閨帷表

範

周迪妻失其姓迪善賈往來廣陵會畢師鐸亂人相掠賣以食迪饑將絕妻曰今欲歸不兩全君親在不可并死願見賣以濟君行迪不忍妻固與詣肆售得數千錢以奉迪至城門守者誰何疑其給與迪至肆問狀見妻首已在枿矣迪裹餘體歸葬之

露筋女年代姓氏俱莫考偶行役與嫂俱昏黑託宿無所道旁有耕夫舍嫂止之女堅不就宿於野外爲蚊蚋所囓而死曉視其筋露焉人哀之因爲立廟河側宋米芾有碑記

五代明媪廣陵人先選入吳王宮中吳亡嫁牙將李廷

江都縣志

卷之二十九

列女

三

梅珠翠服飾頗極華煥繼姑悉收之媪一無恨布素粗淡而已姑箠楚日至毫無怨言或以姑暴酷爲言荅曰新婦鄙拙不能奉順耳終不改初志太平興國中郡守改其里曰崇孝

宋李氏廣陵人逸其夫姓喪舅姑相夫葬祭盡禮夫以質販爲業晨出暮歸李必告以母求不義之財夫感其言人以爲長者淳化中夫亡服滿其家欲嫁之李礪刀截髮乃止

孟氏揚州人大理寺丞魯有儀妻夫亡守志葬夫親屬凡七喪元祐間揚守臣以聞詔封旌德縣君

吳氏臨川人廣陵王令妻幼嫻女範令歿其友王安石弔之曰王子高才有婦同義蓋比以黔婁之妻云元祐七年撫州上言伏見本州吳蕘女年二十四歸布衣王令未及一年而令卒遺腹一女其兄欲奪而嫁之號泣弗許歸老父母之家屏跡田桑以事兄嫂荆釵布素不事塗飾三十二年矣今在本州黃池陂獨居掌治陂事每歲農隙修治堤堰蓄水灌田利及一方一方之人循稟教令子弟有不率者自攜檣楚以求治罪乞朝廷特賜旌表詔賜絹十匹米十石後以壽終

榮氏朝列大夫愍女幼讀論語孝經能通大義事父母

江都縣志

卷之二十九

列女

四

孝歸將作監主簿馬元穎建炎二年賊張遇寇真州榮與其姑及二女走維揚姑素羸榮扶掖不忍舍俄賊至以兵脅之不從賊怒傷其姑殺其乳媪脅之益急榮叱曰天下豈有無義而存者我雖婦人不求苟免賊又殺其女欲取以行榮遂自刃其脇厲聲詬賊而死

蔣氏揚州人李易母也易以建炎戊申狀元授僉書江陰軍判官三年金人南侵守臣胡紉遣將拒敵且諭易曰吾曹義當死城守君有母宜亟避之易歸告其母母曰我去則汝必無堅守志死生當與汝同之聞者感泣既而敵知有備引去

晏氏臨川晏孝廣之女年十五有美色建炎三年金兵至揚孝廣爲揚尉死之女爲兵所得欲妻之卽刎頸求死金兵義而釋之

李氏謝枋得之妻也通女訓孝舅姑奉祭待賓皆有禮枋得起兵守安仁兵敗奔閩元人購捕其家李攜子女匿貴溪山中採草木而食元人下令曰苟不獲李氏屠而墟李乃出就縛送江淮行省拘揚州獄中時將兵者欲取之李聞撫子泣曰若輩生還鄉里善事吾姑吾不得終養矣是夕解裙帶自經死女亦死

趙淮妾長沙人失其氏德祐時元將於瓜洲殺淮棄其

江都縣志

卷之二十九

列女

五

屍江濱妾俘一軍校帳中解衣中金遺其左右使告軍校曰妾夙事趙運使今其死不葬不能忘情願得揜埋之當終身事相公無憾矣軍校憐其言使數卒輿如江上妾聚薪焚骨置瓦缶中自抱持慟哭躍江而死

元費氏名元琇上海人歸廣陵朱氏至正間從宦江陰屬世亂歸寧丙申苗軍亂城陷賊見元琇露刃欲犯焉元琇死拒奮罵賊曳之琇爪入楹間罵愈切苗怒剗之義聲動吳中

翟氏廣陵人年二十三爲江浙行省左丞潘元紹妾至正間元紹將戰豫召翟與其他姬六人者謂曰脫有不

諱若等將事他人矣諸姬曰主遇妾等厚妾等終無二心遂趨入室相繼自經死元紹哀而廬諸後圃潯陽張羽爲作七姬墓志

明殷氏女年十八周氏女年十七俱瓜洲人建文末燕兵從瓜洲渡江掠得二女欲污之不肯從遂共抱持赴水死永樂時進士黃養正作詩弔之有曰駢首雙沉玉同心百鍊金嘉靖間洲人趙副使鶴言於府爲合宋轉運使趙淮妾立三烈廟祀之

高氏府學生戴和妻和應永樂甲午鄉試被放還至城南慚憤投水死高誓欲同殉親戚與其姑勸止之一日

江都縣志

卷之二十九 列女

六

給云歸寧詣夫沉處號慟投水死詔表其門曰貞烈錢氏女逸其名字以才女稱能賦詩有警句其述懷云援琴不奏桑間曲揮翰寧題葉上聯又云芙蓉只合含霜死肯向西風怨暮煙蓋能以禮義自閑者舊乘謂其不同朱淑真之流傳之

闕氏馬氏皆江都人闕適管賢馬適管哲賢哲爲同母兄弟二氏事姑至孝賢疾卒闕年二十六遺孤甫襁褓失明父母欲奪其志闕曰吾心已死但身存耳非姑老子幼則與良人同歸地下矣未幾哲亦卒馬氏年二十一未有子姑以其年愈少使再適馬泣涕不從娣姒相

與紡績養姑遣瞽子學星卜及姑終喪祭盡禮知府陳負奏旌其門爲雙節

左氏左彥達女適劉得得爲順義尉逾年得卒左氏年二十六攜孤扶柩南還守節以終宣德元年旌表

鍾氏周鸞妻鸞溺死射陽湖求屍不得氏號慟循湖濱竟日屍忽浮水上因得殮葬焉後守節至八十七歲

楊氏教諭楊寧女適李鉉鉉亡楊年十九孝事寡姑孀居四十四年知府吳嵩以聞弘治二年旌表

牛氏錢塘人適江都錢寬爲繼室寬爲臨海令告歸卒牛年二十九遺孤齡甫一歲族人強之嫁牛欲赴水死

江都縣志

卷之二十九

列女

七

强者乃止家極貧針指引日而已撫齡克成立筮仕陳留縣丞牛苦節歷五十年正德九年郡守鄧文質上其事以貞節旌其門

陳氏周鍊妻鍊卒陳年二十四遺孤溥甫兩月兄忠欲奪其志氏剪髮嚙指誓不再適紡績以事舅姑守節五十餘年正德九年旌表

李氏府學生章鑑妻夫亡李年二十四遺孤繼生甫八月誓死自守事祖姑羅姑朱皆以孝聞孀居四十八年正德十六年禮部奏表其門

姜氏蔡爌妻爌亡姜年二十八遺孤圻甫兩歲守志三



十餘年教圻成立正德間圻走京師乞旌詔表其門  
褚氏金鑾妻鑾歿褚守志五十年正德間旌表

殷氏邑人殷安女也許某氏子爲妻未行某氏子歿殷  
聞訃閉戶自縊死父歸其尸合葬焉

姚氏趙彥良妻彥良解官鈔赴南京遇盜死江中姚具  
良衣冠至江邊招魂以葬魂帛若有物墜其末持不能  
起人異之葬畢守節不出中門者六十年嘉靖間郡守  
易瓚表之

曹氏萬廷璋妻廷璋歿曹年十九遺腹生一女其姑憫  
之命再適曹斷髮誓節至八十二而終編修楊守陞爲

江都縣志

卷之二十九

列女

八

立傳

胡氏婦農家女也失其姓嫁同邑胡生生雖補郡弟子  
性情廢學遇婦多不以禮尋歿舅姑憐婦少無子將嫁  
之使其父母往勸不從舅姑詬曰若夫以奴視若奚念  
不嫁爲向夕婦遂自沉於水死

孔氏邑諸生葉襄妻事孀姑極恭順姑病晝夜侍湯藥  
唯謹及歿號不絕聲手製殮衣達旦一慟而絕宗黨咸  
重其孝

陳氏劉全妻年二十七夫亡撫幼子章備嘗艱苦守節  
五十四年嘉靖間知府易瓚爲請旌命未下而卒

葛氏臨淮葛欽女適尚書王軌子文玉生二女文玉死  
葛哀慟觸棺仆其母李氏救之甦遂骨立臥病閱五月  
歿

邱氏適任銘銘卒遺孤淮方襁褓撫之成立淮又故復  
撫孫女甘貧守節四十餘年依姪淵以終嘉靖十二年  
巡按御史張惟恕旌其門

王氏少許聘金珊珊病迎歸未合卺三日珊卒視殮哭  
泣盡哀服闋誓以死守晚家落其姪迎養年逾七十猶  
處子也巡按張惟恕旌之

陳氏李軫妻軫卒陳年十九守節五十八年楊氏李輶

江都縣志

卷之二十九 列女

九

妻輶卒楊年十八守節六十三年二氏皆無子依姪李  
彥鐘彥鐘卒妻周氏撫遺孤滋三節萃於一門巡按御  
史蘇祐表其門

袁氏邑諸生張玠妻玠溺死袁年二十九一女甫五歲  
一女遺腹撫二女入室矢操四十三年

郭氏王軾妾軾卒郭年二十五遺孤奎甫三歲郭孀居  
二十五年保孤成立巡按御史蘇祐旌之

張氏攸縣尹張曦女適揚州衛劉杲杲卒無子有顯者  
求爲繼室力拒不從後家貧歸依母弟年七十六卒巡  
按御史洪垣表其門

陳氏揚州衛王錦妻年二十六而寡守節三十年教子成立與旌表

周氏名貞卿生員許鏊妻年二十五而寡無子以姪爲之後守節至年八十而卒

呂氏適廖允修允修客死西川呂年二十二子富方晬呂育孤孀居四十六年而歿知府孫蕃志其墓

李氏邱儀妻儀早卒李年二十四無子女依其伯僉憲俊以居晚年家落貧益厲操年踰七十始歿

張氏監生紀世楸妻夫亡時年二十四事姑張氏極孝撫孤子文光成立守節五十餘年巡按屢旌其門

江都縣志

卷之二十九

列女

十

沈氏廖越妻越卒沈與妾馮氏張氏共守節里中火熾將延及其家鄰嫗請出避三氏曰死則共此室耳俄而火止人以爲神實佑之

虞氏諸生張齡妻齡歿苦節撫孤五十餘年嘉靖間旌表

涂氏劉淙妻孝事繼姑淙歿食貧苦節歷年九十餘而卒

徐氏女許配淮安庠生朱某未行而朱亡女成服於家問其殯日沐浴縊死朱氏歸其柩與夫合葬焉

鄭氏名其倫嫁高郵庠生崔士僕三日僕以暴疾卒葬

僕之前一夕鄭櫛沐更衣夜半反戶縊死時年二十一  
許氏劉昊妻孀居六十年卒子棟滑縣尉繼成庠生孫  
惟珍寶坻縣尉人謂天蓋以報許云

王氏賈遠妻遠亡王與妾林氏俱少林生一子王共保  
育之子娶婦復夭又共撫孫成立遠姪必成亦早歿妻  
劉氏年十九亦撫孤日章有成稱一門三節

蔡氏歸沈夢麇三年而寡子洪禮甫生鞠育盡瘁五十  
年洪禮篤孝嘗藥廬墓事聞建坊旌之仍復其家

貴氏名本賢邑諸生貴枝姪女適陳某陳富家子不治  
生而徵逐於蕩佚氏規之不聽數年後貧無一椽托家

江都縣志

卷之二十九

列女

十一

於枝一日陳謂氏曰吾將去汝可改適氏嘿不應泣告  
枝曰有夫如此命也不義之言何爲而至於我哉一慟  
遂絕

許娥許小餘女方八齡時聞里女有問名後夫死者更  
受聘輒切齒以爲大恨及年十七許字儀徵楊之薇未  
嫁薇病瘵死娥欲赴以殉父母不可中夜遂自縊其貞  
烈蓋得於天性也邑之士大夫弔以詩文者甚夥許氏  
至四壁不能容

王氏張綵妻年二十九綵死誓志苦節年七十五卒巡

按史堇表其門

蘇氏太學生汪恕妾生子鑑恕病革蘇割臂療之刃利自腕透臂負創甚恕病愈而蘇死華亭陳繼儒傳其事喬氏武舉史良輔聘爲繼室未及娶良輔卒喬聞訃誓以身殉姑迎之歸慰之曰吾子有孤爾撫之不愈於輕生乎喬乃依姑以居課子著勲誦讀不輟年六十而歿直指唐世濟旌之曰貞女立碑墓前

徐氏李文元妻適李一載卽孀遺孤方匝月苦節自勵歷六十餘年

程烈婦胡尚綱妻尚綱嬰危疾婦刲腕肉療之不能咽而歿婦不食求殉時有身或勸之得男可不絕夫祀因

江都縣志

卷之二十九 列女

十二

復食彌月果生男又一年兒殤卽前謝翁姑曰媳不能常侍奉矣復絕食姑撫之曰爾父母家二百里外胡不一俟面訣婦曰可日飲米瀋一匙以待其父母遣幼弟至婦曰是卽可白吾志自是滴水不入口姑向之泣婦勸以無泣徐簡匱中簪珥散家人并鄰嫗復曰向曾刲肉救夫夫不可救以灰和之置牀頭願附吾左腕以示全歸遂卒

譚氏明經費益修妻益修性狷介譚緝績同甘苦值歲大禋度不能存濟誓以潔死自沉井中其姪女三姑者爲阮玉聲妻亦泣謂玉聲曰舅姑年俱八十善謀養之

無煩更分粟活我也相從入井死

傅氏李載陽妻事舅姑極孝歲饑百計以供姑饑已則糟糠莫繼曰姑耄失明吾何忍輕一死及其計無復之則曰吾更不忍見姑之以餓斃也乃泣拜姑前投井死宗氏年十七歸儀徵諸生杜竟登爲繼室舉一子葵方歲餘竟登歿家極貧窘日營緝紉以供晨夕教葵方讀書成立

蘇氏張誠妻誠歿蘇守節數十年冰操特著

呂氏劉與期妻幼刲股救親及嫁與期早世呂奉姑養志撫兩孤有成年八十五卒

江都縣志

卷之二十九

列女

十三

曾氏襄愍公銑孫女兵馬司副指揮楊九重妻氏初歸侍姑楊癩疾衣不解帶九重歿遺二孤俱幼氏獨持門戶其兩世舅姑及九重庶母二人死喪相繼子娶婦多前死氏任祭葬悉如禮砥節三十七年年七十三而卒巡按御史表其門

韓氏丁光復妻復死韓年二十四誓節撫孤年七十卒王氏監生謝銑妻銑亡王年二十八奉姑育子織紉以給朝夕守節六十一年曾孫九成元孫旭皆列邑庠卒年八十九

陳氏事繼母以孝聞及笄適姜起周三十而寡苦節四

十年仲子士望成進士封安人鄒元標爲作傳焦竑銘其墓

葉氏名貞淑火鉞妻年二十三夫歿有諷以易醮者引刃自刺其面撫孤有成

王氏千戶羅爵妻倭犯揚境爵以戰死王年二十九奉姑哺雛歷艱辛三十三年以全節終

宗氏女名訓許婚陳必堯倭寇至陳遇難女年十八奔喪成服守貞四十年有司上其事勅建坊仍復其家

杜氏張瑤妻夫歿事衰舅以孝稱苦節三十七年

嚴氏諸生高第妻年二十八而寡葦門圭竇凜然懷清

### 江都縣志

#### 卷之二十九 列女

十四

守節踰四十年

李氏名如芷王之麟妻歸八月之麟卒於京邸李扶柩

歸以死自誓不食卒事聞建坊旌表

按如芷乃興化大學士春芳女旌表

後祀其邑雙貞祠未知舊志編入江都何據

倪氏丁元素妻夫早歿守志不二壽至一百四歲

張氏太學生劉先甲妻先甲卒張年未二十撫孤成立

鬢經終身子師毅負時望孫祈穀治經有聲心穀豐穀

膺鄉歲薦官學博曾元入庠序者林立

姜氏蕭文盛妻文盛死家貧姑令再醮姜言有娠三月

幸生男以承蕭氏祧不則相從九原必不辱吾夫也果

生子苦育有成

高氏劉世統妻于歸二載世統歿高年十八守節撫嗣子含章成立年八十卒

馬氏監生于應登妻應登歿馬年二十九遺四子二女撫育盡瘁五十餘年

賀氏歸王某夫亡子亦先歿遺孫二陽甫三歲值亂攜孫避地村落間不火食常至彌月人咸服其苦節

夏氏汪應英妻應英休寧人授徒江都客安東以死夏適應英甫一載聞訃哀慟水漿不入口七日而死

史氏王聖明妻嫁甫逾兩月聖明卒史年未二十有遺

江都縣志

卷之二十九

列女

十五

腹冀得男以延夫祀比及生女也大慟欲絕乃撫姪識爲巳子守節歷六十年

周氏年十七爲監生俞采繼室結褵五月而采亡妾火氏生子纔五十日周有遺腹亦生子兩氏同撫雙孤有成年皆及耄

沈氏孫鶴妻夫死年二十一孤方襁褓撫之守節至八十餘而卒

李氏胡宗洛妻宗洛墮水死李亦投水殉焉

卞氏庠生范駿妻施氏駿妾卞年二十六施年二十四駿亡各有遺腹各生一男卞守節三十三年歿施守節



六十二年歿

戴氏仇三捷妻守節六十年

胡氏井三才妻三才歿胡年二十九守節三十五年

程氏朱元德妻嫁甫逾年夫歿視含殮畢卽投繯死有

祠便益門內

明萬歷志有祇載諸貞節姓氏未立傳者除蒐羅舊

聞補輯外餘六人事蹟無考仍依例具名於左

蔡金妻蔣氏

卞景妻高氏

經歷張應麟妻盛氏

江都縣志

卷之二十九

列女

十六

生員楊炫妻王氏

黃震妻高氏

丁銘鼎妻孫氏

明末殉難諸義烈殺身成仁節尤挺特舊志編紀錯

落恐易散佚今彙標於左

史烈婦湖廣參政啟元之女姪也適邵伯鎮人馮上銓

高傑兵駐揚州縱兵四掠烈婦避居田間會五月五日

姑欲攜幼子並烈婦歸烈婦曰若不幸值兵吾無死所

矣然重違姑意隨以行傑兵突至欲犯之烈婦給以取

金遂躍河水死直立水中面如生

潘烈女小字芝兒年十四高傑兵肆掠揚境避亂曠野  
中一健兒執之女詬詈激怒以祈死兵不忍殺至河干  
佯爲繫履遂赴水死

方氏貢生方復初女歸武舉趙君謨君謨歿方年二十  
八撫二孤襁褓中姑瞽孝事惟謹乙酉城破自縊

樊氏汪承祖妻承祖歿氏緝繡撫孤十餘年值兵至以  
線密縫其裳赴井死

游氏陳王宁之妻王宁死氏斷髮自矢撫孤成立揚州  
破或勸乘夜可出城游謂女不夜奔况吾孀婦乎偕幼  
女投井死

江都縣志

卷之二十九 列女

十七

張氏邑諸生周廷德妻家寒張篝火伴讀既而夫歿撫  
育羸孤以針紉自贍值城破偕三女投井死

吳氏太學生程宇妻乙酉城破舉家匿地窖中閱三日  
被獲宇與二子俱死季子汲年十四亦被傷吳挈兩女  
奔比鄰虛舍中同投大水盜死數日後鄰婦歸乃知以  
告汲殮而合葬焉

孫氏邑諸生李正開妻城破孫義不受辱遂先藏家譜  
於懷自刎死子品奇績學爲名宿孫洧仁後成進士歷  
官戶部郎曾孫弘業亦宰邑有聲

蘭氏孫道升繼妻其前妻之女曰四蘭所生女曰七皆

嫁古氏次日存孫女曰巽皆未嫁其弟道乾道新並先卒道乾妻王氏子天麟妻丁氏道新妻古氏其從弟子啟先妻董氏諸婦女居圍城中各手一刃一繩自隨城破巽先縊死蘭年五十四或曰母老可無死弗聽引繩自縊繩絕墮地再縊一卒至揮刃斷其繩不死兵去又縊乃死王氏丁氏方縊會卒至急走匿夜相持投舍後汪中死古氏亦五十四守節三十年矣頭盡白奮身投井衆止之弗聽遂死有女嫁於吳生女曰睿方八歲適在外家亦從死於井董氏居僻室念卒且至以帶繫門樞縊死存病足力疾趨井旁躍入死董氏之姊有祖母

江都縣志

卷之二十九

列女

十八

曰陳氏寄居於孫與董氏同處僻所及孫之婦女皆死陳氏亦自縊死四與七嫁古氏者同縊於牀四死七素壯不死強其婢以手扼喉乃死王巖有孫氏十節烈傳薛氏張廷鉉妻城破自縊死延鉉之妹曰五遇卒鞭撻使從已大呼曰殺卽殺何鞭爲遂冒刃死

馬氏孫顯吾妻城陷投井死

錢女名淑賢丹徒人隨父述古家江都與外家卞氏女比鄰相得乙西城破與卞女同死而淑賢死尤烈

邵氏牟君寵妻奉寵母以居 大兵至以子付寵曰聞兵不殺佛子可將此子爲沙彌以存牟氏一脉我與姑

存亡與共也君寵攜子出邵佯作腹痛須熱水熨之其姑往熬水邵乃解所繫縲截爲二分左右上下懸之梁自就右而下者縊焉姑得熱水至邵已絕見左縲曰此待我者也遂投入同死後兵入買二櫟殮之兵乃卽其外甥也

孫氏諸生張靖妻卽孫道升長女乙酉揚城破孫見執不屈一卒怒將刃之已及頸憫其老而止與一鄰婦俱匿數求死鄰婦止之越宿鄰婦又執去孫死志益決墜井若有負之者不死有被俘者過聞井中人聲俯視之孫急以頭沒水衆識之曰母老何患軍中惟索少者耳

江都縣志

卷之二十九

列女

十九

因以繩引而上藏之破屋中留飯食之去居二日兵復至孫又投井忽數卒至垂絙下視曰老婦頭已禿何畏爲復引以上一老婦爲易衣遂不死後十六年卒子二瑾康熙癸卯孝廉仕昆明知縣祀名宦琬兩中副車貢成均孫元貞膺歲薦曾孫祖雲亦舉於鄉

程娥諸生程煜節妹未字城圍以死自誓與叔母劉氏約各以大帶置袖中城破女理髮更衣再拜別其母遂縊死劉有女甫一歲啼甚慘劉乳之復以糕餌一器置女側乃死劉妯娌鄒氏胡氏亦同死女之祖姑適林者投井死姑適李者遭掠給卒至井傍大罵投井死時稱

一門六節

蕭氏諸生韓默妻揚州破城時默墜井死蕭氏謂子彥超曰汝長子父死當從彥超亦墜井死蕭氏乃結纒於梁立視長女就縊既絕乃抱幼兒魏乳之既乳置兒於地整衣拜老嫗曰韓氏一綫惟此而已善撫之俾韓有後汝賜也必冥祐汝乃自縊

丁氏字景姒丁半千之女幼通經史知大義適文學薛友龍舉一子遭亂龍死丁攜子明遠投晉井中家人引之上明遠已死丁曰吾縊而上者爲存薛氏孤也孤亡吾何生爲復入井死

江都縣志

卷之二十九

列女

二十

瞿姑貢生瞿之秀女許字文學焦賡泰未嫁城破請於父曰予處子也倘強暴見及死悔晚矣遂書一帖置懷中自縊

鄭氏郡諸生吳爾成妻兵部鄭元勳妹也事舅姑孝謹甲申鄭奉姑避亂吳門其兄僑寓金陵迎鄭歸寧辭曰吾寧與姑同患難忍獨處樂土耶繼返郡遭亂投金魚池中死

蕭氏趙時雍母姚氏時雍妻乙酉城破時雍自刎死其母及妻併二女俱相繼自縊

楊氏歸諸生曹復彬城破復彬中創仆地楊匿破屋中

長女舊文年十四趣母決計次女菡紅年十二請更衣  
死楊令幼者留視父執不可乃爲三縵次第就縊  
王氏李薊妻聞兵至殉義死井中薊弟芄妻彭氏生一  
子方在襁褓芄早世兵至自刎有老嫗救之傷喉不死  
創合則頸側焉見者憫之

馬氏宋朝相妻城破率子之儒妻張氏次子之俊妻馬  
氏避舍後小屋曰我爲宋氏婦三十年死分耳汝輩尚  
小各有母家以不舍我故至此兩婦抱姑嗚咽握手連  
袂共赴河死後之儒登順治己丑進士

張氏歸史著馨年二十六而夫亡後城破撫其子泣曰

江都縣志

卷之二十九

列女

二十一

嚮也撫孤爲難今也全節爲大兒其善圖之吾不能顧  
矣遂赴水死

謝氏邵允謙妻城破允謙爲亂兵所害謝聞卽蹈火自  
焚死

沈氏宋朝柱妻城破欲自縊慮不卽死投舍後河中死  
幼女十一歲亦從溺焉

蘇氏倪士俊妻蘇光達之妹也士俊死蘇年艾無子乙  
酉揚城將破蘇具酒楮泣奠其夫曰吾久欲死所不卽  
死者爲服未除也今不可待矣遂投井家人縋之起翼  
日復投井死

汪氏焦縵妻聞城破奮身自盡

按汪氏即蘇光達之姨死在乙酉城陷日光達

子宇嘗書其姑母適倪士俊者及姨母汪氏死義事丐人爲傳張琬因跋江渚貞烈志及之本甚明乃府縣志遂誤以縵爲瓜洲人汪死已亥海氛之亂今不敢傳疑爲更定載此

張氏幼字高魁未嫁魁爲亂兵所殺張年十三至魁家

成服踰年城破張抱魁木主自縛呼家人縱火焚之其

姑及二小女一青衣俱赴火死其翁高士遇亦躍入烈

焰中

王氏井達妻乙酉城破掠於兵與所生小女分散囑同

難鄰婦曰汝見吾女乞代我推之水中乃自刎

許氏袁秀甫妻乙酉城破氏闔戶自經

江都縣志

卷之二十九

列女

二十二

張氏瓜洲卞時瑗妻高傑兵駐防瓜洲乙酉王師至

謀遁於海縱掠居民張聞變攜三子授之夫曰吾義不

受辱其夕卽臥榻後引帶自縊未絕而墜復趨河溺焉

家人舉火蹟之見其臥水上不動不沒往視則已死其

姊劉氏卞時璧妻與張約各投縵亦以繩絕而甦鄰嫗

憫之曰兵行急匿者甚衆何遽效姆戕其生劉不荅抽

刃自刎而死里人傷之爲作雙烈詩

夏氏尤世澤妻乙酉城破氏避兵入文廟東廡卽自縊

子國士邑庠生

姜氏黃自擢妻乙酉城破氏於其室爲兩縵先命十歲

女官姐投之俟其絕乃自投一縵死

王氏諸生史袁妻乙酉兵入城氏欲死袁止之曰吾聞有令不殺王曰焉有城破而不辱婦女者乎遂抱子投水死

鄧氏岑嵐人爲周再竹妻素守禮義事王舅姑及舅姑以孝聞乙酉圍城勢迫鄧泣謂再竹曰爾承兩世後宜謀免於難吾婦人身不可辱宜死語畢卽投井自盡  
王氏生員尤時中妻乙酉城破王氏於室中爲兩縵呼女曰汝年已十六苟活卽辱矣女曰此兒志也王令先投一縵俟其絕乃自縊

江都縣志

卷之二十九

列女

二十三

邵氏尤守常妻乙酉城破攜七歲女匿複壁三日乃出見血流屍積遂慟哭墜樓腦破足折女扶臥於床未幾蹶然起謂女曰夜夢汝父爲我治足已愈矣乃步出城三里至祖墓拜辭投塘水死守墓人以葦箔裹之葬祖墓側後子世傑歸具槥改葬有藤纏絡箔外厚數寸不可斷劊乃止

唐氏監生李文炳妻孫氏文炳妾唐年二十五孫更少俱寡繼一子亦夭姪孫上迎養之乙酉城破唐與孫俱投宅傍一窪水死週身衣皆密縫焉及上歿妻郭氏亦守節四十餘年



朱氏景自潤妻高傑兵掠邑東鄉入潤家欲犯朱氏氏大罵不屈遂被殺自潤妾王氏賊強挾之上馬出門躍下觸槐死賊復斷其頭去

常氏字景于忠而未嫁高傑兵入其室氏在爨下執一鐵义拒之义方熾賊不敢近既而义稍冷賊直前逼氏氏舉义擊賊傷項賊亦砍氏斷其臂後仍歸于忠偕老以歿

羅氏庠生史著直妻乙酉城破羅自割兩耳投宛虹橋下死

郭氏瞿之俊妻乙酉城破舉火自焚死長子存直早歿

江都縣志

卷之二十九 列女

二十四

婦姚氏年十九矢節至八十次子維新亦早死婦蕭氏年二十四矢節至八十有三

吳氏閔德祚妻乙酉城破祚遊學未歸氏以兩幼子托老僕婢持去將投門外水中會兵猝至欲犯之不從加以刃被七創仍投水死

吳氏庠生鬪荆門母同荆門妻王氏妾唐氏俱於城破時自縊

何氏錢肖林妻乙酉城破肖林死氏年二十七有子邦華七歲懼辱自縊

王氏胡天生妻乙酉城破走入後魚池抱石投水以死

李氏羅仁美妻乙酉揚城破氏與其孀劉氏妾梅氏李氏女宦姑婢菊花同抱薪集樓下舉火登樓焚死時仁美已刃斷二指亂定後尋收遺骨聚一處厝之

趙氏薛文甫妻年二十一值兵文甫被傷氏恐汚自縊墳在興教寺前

顧氏卞日輪妻夫早卒氏守節撫孤乙酉城破氏自縊樓中

湯氏盧啟元妻生一子鴻漸乙酉城破夫亡氏乃置寶玉懷中曰吾愛其瑩潔無瑕也又懷書契曰吾不欲亡先業也遂投井死時年二十其後鴻漸早歿妻崔氏亦

江都縣志

卷之二十九 列女

二十五

撫遺孤守節凡三十八年

賈氏生員劉師晏妻兵至值師晏遠出氏投門外水死車畹英諸生鳴鸞女許字甥李之珙及兵至珙被難時女隨祖官太平署聞訃絕粒死

惠氏李友槐妻槐早夭氏矢節撫孤兵至自縊死弱女甫十歲先自刎不死復縊於母旁

史氏張國華妻乙酉城破夫挈子出避史乃積薪坐其上縱火自焚死

柳氏李芳榮妻乙酉城破氏自焚子藁歸見其母焦灼待斃猶張目曰汝勿噫我死爲名節也目遂瞑

余氏周士獻妻值鼎革夫遠出氏曰姑老子幼何敢死然懼傷名節乃自縊

常氏適孔某方逾年兵至被掠氏藏利刃衣袖中自刎死

吳氏羅先聲妻兵至泣語夫曰家亡何以身爲願引決無玷清白自縊死

魯氏張嗣祥妻乙酉城破先一夕同媳桑氏及家人以薪堵門舉火自焚死者凡四十七人

張氏諸生劉鎔龍妻夫亡孝事孀姑乙酉城破引剪自刺不卽死縱火自焚亦不死以絮蒙頭死水缸中

江都縣志

卷之二十九 列女

二十六

蔡氏袁以忠妻兵至諸婦女謀出避氏獨曰四郊多壘出能免污辱乎城苟不守唯以死全吾身及城陷先令二女自經視其絕已卽投繯繼之旣死猶屹立如生其全居之姑姨因而引決者凡九人以忠爲覓棺槨不可得恐暴露聚薪舉火竝其廬燔焉

杜氏褚拱辰妻乙酉城破兵入室掠之去氏抱庭前槐樹不肯行兵曳之不動亂刀砍之旣死手抱樹尚牢不可解收者異之

車氏庠生李友桂妻顧氏崔氏俱友桂弟婦乙酉城破同日闔門死

王氏錢禹錫妻夫奉令守城氏以六歲子溥拜屬其僕錢成護之匿兵遽入逼氏不從鞭之無完膚會日暮兵還營乃匍匐投宅後汪中不死其翁至授以竹竿援之上氏遍身水血淋漓泣拜曰幸猶未辱身今請面死夜遂自縊錢成負溥奔匿北鄉復入城迎主亦遇害韓烈婦不知其姓歸於韓居邑之大橋鎮年將二十有殊色爲亂兵所得剝其衣將污之弱不能制上體已裸乃急給之曰若必於衆前辱我雖死不從曷至內室隱僻處當唯命耳兵喜隨之行不爲備婦故迂道至糞窖邊卽躍入自沒其首兵以穢不可近大怒亂箭射殺之

江都縣志

卷之二十九

列女

二十七

常氏開平後也適國學生葉世楨圍城日家各設縲圖自盡氏請曰姑老可無慮舅與夫出金帛可活惟婦宜死遂持刃斷其三縲自投一縲而死

王氏其父任河南遊擊氏適於史城陷曰奮身投水死吳氏文學蕭韶善妻夫死植節女適龔自強乙酉避兵壻家城陷恐遭辱自刎於爨室中其女方娠亦自縊程氏林某妻城陷投井死

程氏李某妻遇兵不辱厲聲詈罵之兵創以刃投井死吳氏諸生卞元泰妻泰早亡氏撫孤游鄉校乙酉城陷呼家人至前語之曰吾家世忠貞苦節三十年義不可

辱當以死自全汝等宜各爲計遂投井家人值亂星散  
月餘歸得其屍僵而不腐面色如生衣裙皆密縫不可  
解

謝希韞里民謝衷白女及笄未字值兵燹以剪鋒自隨  
母詰之曰事迫則用之耳聞城陷舉剪刺喉氣未絕投  
縋復斷遂溺井死母張氏泣曰女死吾無挂矣亦投井  
死

吳氏羅震初繼妻乙酉城破氏自經死

吳氏汪履吉妻乙酉城破投廣儲門河死年二十五  
黃氏朱瑞功妻年二十值兵亂自刎

江都縣志

卷之二十九

列女

二十八

揚州女子失其姓聞兵至投河中死遺詩一首有江靜  
猶堪沉弱質月明誰與弔孤魂之句

瓜洲女子莫考其何氏年及笄已將嫁矣兵突據其室  
搜得女逼之給以理裝入內急引繩語兩兄曰妹腕弱  
不能速斃幸助力絞我無爲門戶辱遂立殞兵疑共僞  
排入斷女喉而去

國朝張氏林廷棟妻年二十三而寡遺子中桂六歲姑衰  
老織紉供朝夕姑歿竭力營葬教子經史中桂順治乙  
酉舉人授韓城令母每誠其爲清白吏年逾八十卒  
程氏職方鄭元勳繼妻元勳被難程年二十三號慟攜

五歲兒於戎馬中請得倡亂者誅之事平長齋苦節歷五十九年八十一卒

郭氏顧文煥妻乙西城破煥被難氏年二十二撫孤堅守顧氏賴之以存卒年七十餘

劉氏年十四歸史筆載十二年而夫卒家故貧撫孤大成大誥紡績以供薪米年饑衣食不充苦節自守乙酉大誥被兵受重創劉持之泣有卒見其髮皤然哭聲甚哀慟以一旗置其門遂獲免孀居五十三年年七十九而歿

甯氏李蘧妻歸蘧甫三月蘧死於兵甯代養舅姑以蠶

江都縣志

卷之二十九

列女

二十九

績易炊歷艱苦無二志其姊王氏殉難死於井彭氏自刎以獲救甦與甯同苦節一門矢義御史李嵩陽旌其家

鄭氏女侍御爲光妹也幼字諸生程起善未嫁起善溺死女聞飲泣數欲自盡父母見其志不可奪乃歸之程氏爲立嗣子值夫忌泣奠絕粒而死年十七御史李嵩陽旌之

汪氏前諸生蘇光達妻性端嚴通書記光達死屬汪曰吾賈志歿牀頭書以遺吾子庶竟吾志汪泣許之歷三十年足不越戶限日傭紉以給薪米餘市紙筆以教其

子宇宇作文必授版坐几側文成取視一不中則涕泣  
罷食宇由是力學知名

王氏戴軻妻軻早逝遺孤襁褓且多病氏年二十四抱  
子泣禱誓與子俱存亡後教子有成年七十有七卒

兩張氏一江都人前太學生史可學妻一江寧人可學  
妾也各舉一子可學歿兩氏共撫所生均憐愛焉歷十  
數年家貧無以存濟其老僕曰主有故人宦楚中往當  
蒙恤兩氏不忍使一孤涉遠途令偕以往果獲助歸稍  
克佐饘粥兩氏又剪綵組繡售以資生由是二子皆得  
成立孫大臣大相大儒先後補博士弟子兵備使者表

江都縣志

卷之二十九 列女

三十

其門曰雙節司李王士徵題雙節傳後云京陵東海並  
擅女宗孤竹西山同高士節不獨香籛增重抑以銀管  
堪書蓋乙西城陷時大相自縊大儒具衣冠拜其父抱  
兄屍同死故王題句及之

王氏前諸生徐宗健妻宗健讀書攻苦嬰疾死王痛夫  
志未酬遺孤元美方幼日夕課訓守節三十五年元美  
以順治丁酉舉於鄉

李氏汪如江妻幼失父母既嫁事舅姑惟謹乙酉揚州  
圍氏慷慨指樓下井語夫曰此畢命處也及城破遽赴  
井兵既去家人以縋縋出之竟不死課子耀麟懋麟皆

成名茹素五十餘年以懋麟貴封孺人

葉氏明侍郎相孫女也年十七歸徐立政甫期歲舉一子立政逝家故儒素養姑撫幼苦節四十年

姜氏夏起魁妻大兵臨揚起魁從高郵歸至東關被難遺一子應乾甫九齡氏以蠶績撫之成立苦節四十餘年

閻氏前舉人劉有學妻婚三年而寡撫嗣子鎬龍補諸生未幾鎬龍死乙酉城陷龍妻張氏殉義閻子立空閨苦節六十三年歷八十有二卒

程氏汪潛蛟妻年十九潛蛟死遺孤甫五月乳絕以粉

江都縣志

卷之二十九

列女

三十一

糜哺之不食氏泣曰吾不卽死望孤長成今無乳孤必死何以生爲以頭觸柱流血乳遂湧守節五十年訓其子成立孫洋食餼有聲

王氏秦應徵妻年二十六而寡苦節三十餘年乙酉攜其子避兵備極艱苦卒免於難子之俊登賢書

鄭氏高植繼室夫歿厲節撫孤嘗值險阻義不受辱至毀體流血克全貞操子策及孫採皆武進士

謝氏名景韞適邵曰強甫二載值兵亂強與弟立及祖母叔伯皆罹於難立聘劉氏聞立死亦自經時謝氏從舅姑避兵吳陵子方在襁褓聞夫歿不食數日從父命



撫遺孤教之成立苦節五十餘年

俞氏車從軻妻王氏軻弟從輶妻乙酉歲軻兄弟皆死於難俞年十九王年十八同守節而家甚貧以紡績自給俞一女無子王一子中年而歿復同撫孤孫俞年七十餘卒王年九十餘卒

汪氏邵伯鄉人于球妻乙酉城破球死氏亦自刎傷而不死遂不更嫁苦守四十餘年

薛氏郡庠生于天佐妻事舅盡禮生三子一女甲申兵亂天佐卒於旅氏於流離中備嘗艱苦教子成立

殷氏蔡天璿妻兵亂蔡曰若苟得免幸保我遺孤璿果

江都縣志

卷之二十九

列女

三十二

死後殷承夫志苦節六十三年

劉氏高孝行妻乙酉揚城破孝行爲兵掠去而父兄橫屍在室劉守八日始得棺埋故塋孝行竟不返劉以勞瘁哀毀致癱廢茹苦十五年而卒

葉氏沙河令董潏妻潏殉閩賊之難長子死次子遠在浙葉抱一歲孫鼐微服竄民間獲免間關返揚州誨孫成立義節炳然鼐後官馬湖知府歿祀名宦

董嫗諸生韓默家老婦也乙酉城陷默夫婦及長子俱自盡惟幼兒魏在襁褓默婦預乞嫗護持之嫗泣諾懷兒匿死屍下祝曰韓氏不絕其後其無啼兒果不啼事

定嫗育魏成立將婚媪年已八十且病篤輿至新婦家  
曰郎君才人幸勿以貧易之歸遂歿魏入太學以詩文  
名設嫗主祀如母焉

李氏前進士王玉藻妻中丞李植女也明末玉藻官於  
南後歸里有田一頃夫妻躬自刈穫安貧以老子方岐  
以克遵母訓聞

李氏劉有恒妻劉卒李嘗散粟濟貧孫長發成進士李  
猶布蔬勤劬年八十終

沈氏光祿丞郝璠妻璠卒氏年二十六子士儀方幼氏  
矢節撫孤明末高傑兵擾揚氏挈孤避江南獲免植節

江都縣志

卷之二十九

列女

三十三

四十五年歿士儀字羽吉博學篤行著有損齋集

朱氏陳端木妻陳墮水死氏守貞踰四十年敬事孀姑  
老而彌篤三子三女皆婚嫁長子炳食餼於庠

于氏貢生程浩繼室年二十嫁時浩已得疾侍湯藥閱  
四十餘日浩死氏撫育前妻之子以佶及孫熾昌皆入  
學苦節四十餘年

張氏名啟汪汝萃妾汝萃死張與嫡王氏不相能其母  
家有姥以張年少勸之嫁不應其母亦強之張慟嘔血  
欲自殺母乃不復言守節終身而卒

張氏陳楫妻楫嗜學早歿氏欲以身殉鄰婦防之無間

一夕婉言遣鄰婦歸縊死夫棺釘上次日衆鄰婦見屍聚哭爲置衾殮合葬焉

鄭氏適金世珍僅彌月珍卽歿鄭年甫笄立猶子俊生爲嗣守節八十餘年卒

朱氏太學生湯德化妻年十四歸德化姑歿事翁敬養有禮未幾德化亡遺孤肇修甫四歲氏備歷艱苦撫之成人長補庠生朱年踰六十孫彭年康熙丙辰進士裘氏明庠生狄崇謙妻乙酉崇謙遇難裘時年二十一歸寧杭州後回夫家守節歷五十二年歿

程氏顧愷臣妻年二十七寡撫子孫成立至八十四歲

江都縣志

卷之二十九

列女

三十四

終

顧氏諸生盧日升妻夫死氏年二十八教遺孤英讀父書英以康熙丁巳舉於鄉

宗氏邑諸生朱萬昌妻萬昌早逝宗躬操織紉課子成立

葉貞婦字汝兼明侍郎相孫女幼讀孝經列女傳通其義適文學李森早世無子嗣兄弟之子爲後冰蘖數十年龜手繅紉以所積葬翁父老無子操針不輟得直以佐父甘旨人稱其節孝咸備云

任氏凌思賢妻夫死泣血三年殯葬成禮隨自縊

洪氏太學生吳允良妻允良亡撫孤蓮成立茹蘗衣鶉  
苦節三十年

孫氏增廣生朱紱妻紱逝孫苦節三十餘年教三子俱  
補邑庠生孫後病篤子夔割乳麟刲臂以飲母立愈兩  
子年四十貧不能娶而孝養則無不至先是紱割股救  
父紱長子京亦割股救紱至夔麟凡四見里人爲著節  
孝合傳

程氏姚曠吾妻曠吾死遺孤三歲程年十九撫之成立  
及生孫而子死程又撫孫孫亦死撫孫女出嫁煢煢五  
十年備歷艱辛年八十依孫婿終焉

江都縣志

卷之二十九 列女

三十五

卞氏丁昭朗妻朗死卞年二十七遺孤在抱家貧數米  
而炊守節六十年歿

陸氏張學周妻學周死守節五十年

王氏黃恩賜妻夫死家貧孤弱撫之成立苦節踰五十  
年

高氏李和妻和歿氏守節撫孤以織紵易糴殮六十載  
操作如一日題准 旌表

周氏生員趙自新母苦節五十餘年自新與其弟日新  
俱早世自新妻姜氏事孀姑撫教遺孤延吉延慶成立  
日新妻巫氏無子年僅二十餘同守志一門三節閭里

稱之

許氏廩生李元中妻年二十夫亡遺孤襁褓守節孝養孀姑甘貧教子歷五十年子銘鼎銘岱皆遊庠序

許氏吳興宗妻年二十七夫歿遺子女皆數齡姑程氏祖姑湯氏皆孀老家貧甚不能具甘旨許織紉以養及歿殯葬皆如禮撫子女有成茹荼四十五年卒年七十顏氏適諸生盧喬新喬新歿糲食絺衣課六子有成其幼廷簡順治乙未武會試第一顧年八十終

閻氏明布政士選女適庠生郝雲龍李氏中丞李植女適雲弟承龍伯仲相繼卒閻氏年十九李二十有五共

江都縣志

卷之二十九

列女

三十六

矢栢舟者五十年郡邑咸嗟異之

羅氏會襄愍公曾孫士芬妻姑疾刲左股療之既而夫病復刲右股夫亡遺孤恂甫十歲家甚貧冬常衣葛子長娶婦吳氏未幾子又亡遺孤孫纒二歲姑媳同訓之成立備歷艱苦至七十七歲終

楊氏劉萬妻萬歿楊年二十撫孤植節歷五十載孤應元娶張氏應元亦早歿張守志如姑而事姑惟謹生子士隆娶婦王氏士隆又早卒王亦守志不移三世皆以節著士隆子肇鏃康熙乙卯舉於鄉

王氏前進士玉藻長女適喬鼐家甚貧氏傭紉以事舅

姑孳沒課二子皆成立

陳氏歸諸生林朝用年二十餘夫逝撫幼子奉孀姑慈  
孝稱於里中年七十五卒

郝氏庠生郭茂春妻春死氏痛夫志未遂矢節教子貧  
不能延師於榻前設書案課子手自紡績口則訓誥其  
子衡炆貢生燼燧庠生苦節五十八年

王氏瞿之金妻夫早亡艱苦備歷守節三十五年

張氏雷士儀妻先世涇陽人居江都于歸五年而士儀  
病歿張年二十三遺腹生男越五年又死張誓不欲生  
舅姑乃以弟子爲之後張撫之成立苦節數十年而卒

江都縣志

卷之二十九

列女

三十七

史氏饒寬妻寬讀書貧而好施家日落歲饑斗米千錢  
史勤女紅以活八口冬寒衣無絮夜不得火藉草數莖  
抱子挑燈縫紉不輟子眉所習經書皆史督誦長爲邑  
諸生史以喪母哀慟卒

何氏名珍適新安程晉生晉生善病久不愈氏刲股療  
之及歿無嗣何哀毀誓以身殉弟起泰憐之請以已子  
嗣氏曰以何繼程非禮也及葬畢遂絕粒死年二十四  
張氏金元生妻元生卒張年二十遺一子在襁褓誓守  
苦節家貧以女紅養舅姑伶仃五十載撫孤成立

饒氏邑諸生閔仲文妻居瓜洲家故貧仲文又績學不

問生產氏與共甘苦無少拂順治十六年海寇陷洲城饒與女輩偕匿仲文被執不屈刃傷頰憤激投井氏聞之破壁出哀號不已曰夫死我何生爲亦入井死

沈氏池州人明有殿元名坤者其高祖也適瓜洲嚴惠居郭外海氛之亂入城依姻戚王氏家城失守男婦悉奔潰氏獨死王氏井中無知者越七日屍忽上浮汲者傳之惠方覓氏不得奔視竭泉而出其鼻忽流血如初亡人以爲異時年僅二十三歲

范氏鎮江人明尚書崙曾孫女適瓜洲孝廉于元璜海寇至被執露刃脅之牽之不動指爪深入泥土已而知

江都縣志

卷之二十九

列女

三十八

不免大呼詈罵賊猶不忍害罵益厲賊怒劈其胸而殞年甫二十有一

熊氏侯應遂妻海寇掠瓜洲氏翁被害夫亦爲賊所掠家唯老姑幼叔氏謂叔曰事已至此何待吾膽落腕怯爾曷圖之叔不忍迺自以繩結戶樞死

茅氏瓜洲卞時璧妾璧以妻劉貞烈死義不再娶因無子納茅側室兵之追海寇者肆掠劫茅匿床下以重物纍其上一卒偵知之呼之不出挺撞之亦不出曰再不出則死終不應兵遂亂刃刺之竟死床底初海寇將至茅語同輩曰人豈論貴賤唯立志若何耳死何足畏乃

果不愧其言

魏女父應階以諸生負詩名女亦素有道韞之目許朱氏子未嫁海寇薄瓜洲金鼓之聲與號泣呼叫相雜女驚怖持其母而泣家人謀匿之女曰不可賊最黠萬一被獲奈何遂投井死後引出面如生

熊女父一輅邑諸生女幼孱懦長猶若不能勝衣者家人咸目爲怯許字於卞未行海寇犯瓜洲諸婦女多竄伏河下謂傍水則緩急可恃女獨堅不往毅然謂家人曰吾輩今日安得全尚可以生取辱乎語未絕奮身入井死

江都縣志

卷之二十九

列女

三十九

沈氏范起鳳妻鳳負販爲生鳳死沈年二十六長子七歲次子生四十日有勸之易志者氏攜二子結草屋夫墓傍以織紵爲活後二子皆成立年六十餘卒

龔氏年十七適戴士龍未幾士龍歿龔守節五十餘年温氏蕭維墜妻年十八維墜歿子方襁褓家甚貧傭針自給撫孤成立年七十九卒

戚氏泰州人適江都太學生于應鰲少寡守節年七十餘而卒

李氏趙天祿妻夫亡年二十誓死守節撫遺孤有仁成

立



汪氏吳道昌妻昌病割股救之不愈時年二十有一遂守節歷三十年教子驄成立

許氏監生汪廷柱妻年二十九夫歿於客旅生遺腹男顯儒氏守節教子歷八十三歲卒

蔣氏兩廣督標副將李英妻英奉檄往桂林值孫延齡

叛英奔還守禦氏曰君爲國忘家妾敢不爲君忘身索

鳩懷之及逆肆屠掠遂服鳩而死事聞建坊旌表

墓在

縣之淮  
子橋北

奚氏舉人史奭妻奭早世撫遺孤克欽有成年踰六十而卒克欽諸生亦早亡其妻陳氏撫遺腹子守節歷三

江都縣志

卷之二十九 列女

四十

十餘年

李氏高向明妻年十九適向明三月而寡遺腹生一子姑疾割股救之舅歿於秦其故里也氏扶姑柩遠涉二

千里爲之合葬守節五十三年康熙間與旌表

韓氏仲之彥妻夫故守節教諸子皆成立歷年八十餘

其長子婦黃氏季子婦張氏皆以貞節著人咸謂秉姑

訓云

程氏國學生江九臯妻九臯死氏年二十六遺孤湘甫

二齡哀毀幾不有生姑勉以撫孤大義乃強進飲食其

奉姑鞠子者孝慈交篤姪澂卒婦汪氏年二十七有遺

腹待孕程恐其以悲慟致傷移與共室寢處調護備至及汪誕女欲自絕更多方慰解爲立澂兄子世棟爲後同居植節形影相弔者數十年不讓昔之曷淑二寡康熙二十一年兩氏同膺 旌表湘與世棟亦皆克昌其家

洪氏孝子方立禮妻事繼姑汪極孝汪愛已子婦於氏凌虐百端怡然承順敬有加焉繼姑後亦感而悔立禮歿哀慟十餘年未嘗見齒淚常盈睫一目遂枯

黃氏儒生高從龍妻夫歿刺血寫經撫二子大忠大貴皆成立氏疾危次子刲股肉療之甦年踰七十母子節

江都縣志

卷之二十九 列女

四十一

孝著里鄰間

孟氏女念父老無子終身不字事父四十七年迨父歿殯葬成禮同庶母陶氏祝髮爲尼

吳氏張復陞妻嫁時年十六姑病刲股肉代藥病竟起年二十九夫歿有三子一女氏以女紅事育之持門皆有禮法康熙間與 旌表

葛氏張文德妻文德爲蘄水丞值寇亂死之氏間關護喪歸里時年二十八二子一女皆在襁褓氏紡紵自給奉姑曲盡孝養教二子有成巡鹽御史李贊元郝浴皆旌其廬

吳氏程宗孟妻年十八適宗孟宗孟病劇割股救之弗效二子幼家甚貧吳手紉以供饘粥後避兵山中虎咆哮而前吳祝曰婦身可啖孤子不可食也以身翼兩兒虎竟去人以爲苦節所感吳卒子其祿廬墓五年學使者表之曰是母是子墓在茱萸灣石坊峙焉

謝氏蒯明宇妻明末宇死遺孤相生甫四歲撫之守節歷四十八年年七十三而卒其孫蒯柱早世孫婦高氏年十九守節歷二十九年卒且無嗣尤可憫焉

查氏金瑞玉妻瑞玉早世氏年甫踰二十姑憐其少又家貧微言諷之謂可自爲計也氏截髮矢義甘窮約不

江都縣志

卷之二十九

列女

四十二

悔撫藐孤堯年上養老姑薪米之費悉出十指指恒流血堯年稍長教之讀書俾克成立爲儒者苦節四十餘年而歿雍正間 詔表幽潛孫維紫臚其行實以聞題

准建坊 旌表

史氏俞國賢妻年二十八夫歿遺孤甫三月撫之有成守節四十三年康熙間與 旌表其女字陳之韞未嫁守義雍正間亦援 恩例題准給帑建坊

張氏前指揮張恒孫女歸邑學生金玉節以哭母成疾夫亡哀毀疾益甚延三十餘年慟母與夫者未嘗乾淚其卒也鄰族咸嗟歎之

劉烈女名元英劉應麟女許字李繼中年甫十六未婚而繼中死元英聞訃涕泣絕水漿七日自縊於寢事聞准建坊 旌表

張氏京江人原任河南學道贈大學士九徵女也適監生鄭世延素嫻內則以修謹宜其家年二十四夫歿所生僅一女矢志自衛處貴盛而甘茹荼苦撫嗣子教育備至守節三十七年康熙間與 旌表

楊氏林時履妻夫早喪二子俱幼氏矢志苦守長子士佩娶婦卜氏孝事孀姑嘗割股以療姑疾夫歿闔戶自經姑排入救之遂絕飲食旬日而死

江都縣志

卷之二十九

列女

四十三

鄭氏前中丞茂華孫女適廩生閻麟生氏幼嫻詩禮動以古列女爲法夫卒絕食者六日夫葬虞祭畢遂自縊遺詩曰結髮情意重拋撇兒女歸傷心千古慘烈鳥願同飛聞者咸嗟慟之有司爲撰聯扁以弔

潘女名宗嫺宜陵人許字黃玉穀未婚玉穀死女聞訃卽更衰經誓以死殉母防之甚密卒乘間縊於臥室湯氏張椒頌妾頌以艾年無子置諸側室及邁欲遺之氏誓死不從頌死賣繡營齋裹土造塘事竟乘主母他出衰經傍頌木主自經

厲氏阮秉謙妻夫亡守節年七十三卒子樞忠康熙庚

戊科武進士

李氏邑諸生蔣以善妻善早逝同側室張氏矢志植節教三子勤學歷五十餘年長子銓國學生次鎧康熙壬子拔貢次鍾戊子恩貢孫翻雍正丙午舉於鄉

韓氏進士燦女也適貢生周師旦年十五于歸閱三載而生子以忠未歲師旦遽歿氏事姑撫子姑病刲股救之教以忠者備至卒能成立繼父志學使邵嘉旌其門

趙氏諸生史嘉節妻性端嚴知書夫疾割股救之及卒生遺腹子進義家益貧傭紉自給以書口授其子稍倦

江都縣志

卷之二十九

列女

四十四

怠輒撻之曰吾不忍史氏書香自汝絕也苦節以終進義秉母教後有文名

周氏前光祿署正喬可傳妻年十六于歸閱十載夫歿生二子方在襁褓備歷艱苦偏紉教子後次子死遺孫氏復撫之成立植節踰五十年

扈氏史記書妻夫歿氏苦節四十餘年親督耕墮水不死鄰火及其廬焰忽遽熄鄉人爲之謠曰史母節水不濡火不熱子箴纂皆諸生纂妻王氏割股以療姑疾人稱其孝

池烈女貧民池天祥女幼喪母及笄父以字吳氏長子

廷望望從軍死於粵吳欲改配次子議成秘不使女聞  
及親迎有日女知之乘兄汲于河給父入市以二水甕  
扃其戶出廷望聘時衣服之南向雉經死閭里驚傳其  
義爲卜葬於平山堂題其墓碣曰烈女雍正十一年邑  
人汪應庚爲請 旌建坊並建五烈祠祠祀者烈女其  
首也 禮部疏稱烈女池氏痛夫婿之云亡未賦于歸卽  
堅心以從一聞父翁之異議行將改聘遂致命以  
全貞堪膺旌  
典以彰潛德  
方氏鄭得一妻得一貧無家借婚於族人所逾年得一  
死方鬻衣飾爲營葬掩穴而歸謂其父曰兒旣嫁無復  
還故閨理此非夫家又不可以久寄兒將有以自處矣

江都縣志

卷之二十九

列女

四十五

父勸慰之亦不意其卽死也詰朝來視見其戶未啓呼  
之不應排以入則密縫其衣裾挽髮結喉而死聞其墓  
適在平山五烈祠旁殘碑臥草惜未有能表而出之者  
汪氏歛縣人後居江都適洪正宜家貧舅老且病薪米  
藥餌悉汪氏傭針以給正宜早歿諸孤皆幼汪氏力營  
殯葬撫三子良儉良伊良偁皆成立

朱氏適黃家瑄未三年夫歿傭紉課子苦節三十餘年  
子正立諸生

李氏太學生張述繼妻撫前妻子女若已出述死李年  
二十五止生一女後女死長子與孫亦相繼死李苦節

四十一年而卒

楊烈女黃珏橋人許字程氏未嫁而程氏子死喪過其門烈女號慟不食父母勸之女曰已許程卽爲程婦寧論嫁不嫁乎已而自縊

金氏吳德宣妻夫亡家道中落時金年未三十撫兩幼子以節終

甯氏陳治道妻年十六歸治道甫一載夫歿遺孤越數月又殤上有雙親家徒四壁姑病七年朝夕侍奉勿倦有以夫亡子夭勸氏改節者氏弗答苦守歷五十七年朱氏喬元馨妻歸二載夫歿子甫週歲氏含辛撫孤奉

江都縣志

卷之二十九

列女

四十六

舅姑惟謹三十年足不踰閨卒時香聞一室人異之

陳氏季光第妻夫亡年二十七苦節至六十四歲終媳

劉氏亦二十七而寡撫遺孤夢英成立

高氏林石臣妻十六于歸夫亡以叔子士儀爲之後尚在襁褓氏含辛鞠育之翁抱重恙刲股爲饘以進翁獲愈守節踰三十年終

鄭氏舉人秦之俊繼室夫病篤刲股以進不效撫孤苦節二十四年

胡氏諸生王國本妻年二十六夫歿苦節教子歷五十八年子任曾孫夢旂皆補諸生

余氏劉居蓮妻夫歿守貞四十餘年年七十八卒  
陳氏梅調鼎妻于歸甫及二載夫亡苦節三十餘年  
丁氏張均妻均亡丁年二十八苦節終其身撫孤成立  
姚氏年十六適鬪憶生三子閱十載夫歿氏誓死撫孤  
苦節六十餘年

仇氏李杜文妻年二十四夫歿守節四十餘年

劉氏湯志遺妻年三十志遺歿氏矢志守節奉翁姑甘  
旨無缺撫子成人歷五十三年

魯氏大橋鎮顧起隴妻年十六歸隴隴死無子立姪九  
錫爲嗣茹荼苦節歷數十年孫圖河康熙甲戌榜眼

江都縣志

卷之二十九

列女

四十七

郜氏王肇鎬妻夫歿氏年二十八茹苦守節至七十二  
歲無病而終

程氏顧養正妻于歸未三歲而夫歿氏年二十食貧守  
節撫一子歷四十餘年

潘氏生員汪清妻清卒幼子方在襁褓氏苦節自矢子  
長皆自課之年六十卒

閔氏生員吳瓚妻嫁六年而寡撫庶出子洵成立洵又  
先卒復撫孫杓苦節四十年康熙間 旌表

曹氏朱坪妻坪有隱德善醫曹每出簪珥購藥助其施  
予坪歿曹茹蔬終身



王氏適新安吳伯順伯順歿子女俱幼家貧甚氏以女工自給訓子有成苦節三十餘年

顧氏貢生鷗民女適諸生王晉夫歿顧苦節三十餘年  
王氏孫肇符妻年十九夫亡撫遺腹子奕葉後葉授室  
殷氏生一女葉卒殷亦以遺腹生子年二十守節王年至八十有二殷年至六十有一里中稱一門兩節焉

糜氏林堪妻堪歿苦節自矢年七十餘卒

馮氏生員陳維世妻維世歿馮守節撫孤歷三十餘年  
子康爲邑諸生

睢氏殷其雷妻其雷死子甫三歲睢撫之歷四十餘年

江都縣志

卷之二十九

列女

四十八

王氏朱應時妻應時亡王事舅姑育孤子守節六十年  
王氏于應聘妻年十九歸應聘未浹旬而寡遺腹生男  
名桂叢教之成立氏終身茹素苦節四十七年

宗氏桑應奎妻夫卒年二十九撫兩子事舅姑最孝家  
無宿春日營紡績以給守節四十餘年

申氏中書維翰女文學郝錫信妻也年十八夫亡教子  
沅讀書事舅姑盡禮苦節數十年

李氏黃起龍妻年十九夫歿遺妊三月每夕仰天泣拜  
求生男旣而果得男名天嗣教之成立任睢寧學博氏  
年六十八卒

夏氏許字張昌祚未婚昌祚死氏至祚家守節事舅姑  
歷二十五年歿氏瓜洲人江防丞以女宗旌其廬  
萬烈女名康淑瓜洲萬文祥女也字同鎮袁氏子未嫁  
袁亡女請視歛父母阻之請事姑終老亦猶預不之許  
女曰吾祖姑獨非人乎蓋昔以處女完節者既而夫父  
令媒索原聘示絕女大慟曰我終不得爲袁氏人耶含  
淚注視父母者久之遂登樓自縊死里人高其義爲禮  
葬立石誌其墓郡守崔華江防丞朱射斗額旌之四方  
以詩文弔者甚衆乾隆六年督撫特題 旌表建坊

禮部

疏稱烈女萬氏雁奠未將鵠歌有賦效祖姑之芳躅期  
砥節而守孤幃痛舅父之違言遂完貞而甘同穴應予

### 江都縣志

#### 卷之二十九

列女

四十九

旌表以  
彰風化

王鐵工女亦瓜洲人未嫁夫死誓不更字母兄許成其  
志遂日以女工自給歷久不渝分守江防張純修廉知  
之遣吏齎金視其家

周氏太學生田士英繼妻生子見龍六歲士英歿氏欲  
殉節不食者五日見龍亦不食乃忍死撫孤年至九十  
康熙四十四年

#### 聖祖南巡奉

皇太后過其閭氏伏謁捧茶果以獻猶能肅恭如禮承  
顧問嘉勞

御書賜節壽二字額旌褒之

王氏舉人李鑰妻生貴胄而秉禮于歸五載鑰卒生二子一女曲盡撫訓之方姑疾篤焚香籲天割股療之尋愈康熙四十四年

聖祖南巡子同聲

欽取纂修陳母懿行

御書賜節孝可風四字同聲中己丑科進士由翰林改駕部

郎孫圻松俱舉人

程氏孫繼士妻夫亡年二十四生遺腹子守節撫孤終身不衣紈綺不聽音樂年至八十有九而卒康熙間題

江都縣志

卷之二十九

列女

五十

准旌表

汪氏諸生程湄妻布政使楫妹也年十七于歸湄遭疾而卒氏年甫二十有一矢志撫孤姑老病氏刲股救之苦節四十餘年子以儼中武鄉科

霍烈女民家子生十九年矣事父母婉容愉色以孝稱許字李正榮甫十日正榮死女號慟自殺以殉通里義之爲舉其喪葬平山堂池烈女墓右學使楊中訥爲之銘曰蜀岡之巔平山之側鬱乎蒼蒼憑高西望而歎息曰有同邑二烈女此其幽宅雍正十一年邑人汪應庚

爲請旌建坊合祀五烈祠

禮部疏稱烈女霍氏絲蘿甫定驚彩翼之分飛金石

不渝抱冰心而偕逝  
以茲貞烈足副表章

黃氏赤岸湖佃農王華京妻夫死黃撫幼子勤力作土  
豪王某矚其少聳王之族人強嫁之與娶者期次日鄰  
嫗密以告黃抱子繞棺號慟竟夜不絕聲及娶者至則  
已縊棺側死矣湖有庠士潘人龍者憤其事鬻己田授  
氏兄弟使爲伸理資懇於官土豪復以危言挾之其兄  
弟懼而寢迄今人多憾焉

喬氏趙鍾恒妻年十九夫亡無子撫幼女守志迨女嫁  
復亡立姪爲娶婦又俱亡撫堂姪以延夫嗣苦節四十  
六年康熙間旌表

江都縣志

卷之二十九

列女

五十一

葉氏貴秉敏妻敏歿氏守節撫孤子三人及皆成立曰  
吾今可見夫於地下矣遂大哭而絕

楊氏余三台妻守節三十年教子鼎升成立

陶氏武科張敏母夫逝持節不渝教子慈而嚴有丸膽  
課讀之風鄉里賢之

陳氏蔣有譽妻生二子有譽歿氏堅持苦節撫孤有成  
四十餘年家賴以振

朱氏諸生黃灝妻年十九灝歿生遺腹子宮檀苦節自  
矢歷數十年搵完冰蘖焉

彭氏汪周鼎妻鼎亡氏年二十八苦節撫孤五十餘載

汪氏許字馬恒未婚恒歿汪年十八願歸夫家守節恒父母以恒姪曰楚爲之嗣汪布衣蔬食守貞三十四年卒康熙四十四年旌表建坊

梁氏生員蕭維垣妻年二十九垣歿茹荼植節五十餘年子說爲諸生

曹氏王士美妻二十而寡力貧撫孤守節踰三十年

劉氏瓜洲孝廉于元璜繼妻年二十七夫歿撫前子如已出教所生子皆有成守節五十二年卒

吳氏汪壽岳妻翁病劇割左臂肉進之立愈未幾夫歿於外櫬返復割右臂肉以奠曰所不與君養老成孤者

江都縣志

卷之二十九

列女

五十二

有如此肉遠近之士大夫爲賦兩割臂詩者甚衆後以子天與官郎中封淑人

譚氏孟宗孔妻事舅姑以孝聞舉二子教之有成

李氏季光先側室光先歿李年二十九苦志守節紡績教子子良謨國學生

楊氏程良珏妻年二十七夫歿子錫昌甫二齡氏紡績撫孤成立晚好施捨鄉里多沾其惠年八十餘卒

沈氏俞廷燮妻燮歿氏守遺孤成立歷五十餘年

張氏許繼周妻繼周歿苦節三十餘年

鄭氏何嗣昌妻嗣昌病劇氏割股以療越一載夫卒遺

孤方在襁褓撫之成立苦節三十年

石氏鄉農石子珍女陳邦立妻嫁四年而夫歿子長年甫二歲氏食貧無二志以清明日掃夫墓歸慟哭自縊蘇氏母病刲股以療歸附貢生韓奕姑病氏復刲右股進之其季媳李氏年十九夫病篤刲股不能救請于堂上繼伯子嗣齡撫育教誨歷四十九年

張女許字庠生劉用恕未嫁恕歿年二十父母更擇配女不從請歸故夫家事翁甚謹翁以貧故又欲嫁之氏聞斷髮破面誓不欲生惟紉績以養翁逾三年而歿蕭氏賈寅生妻年二十七夫歿立嗣勵節四十二年

江都縣志

卷之二十九

列女

五十三

湯氏監生李天球妻年十九夫亡事舅姑撫二子守節三十六年康熙間 旌表

周氏廩生龔溶妻夫病刲股救之弗效年甫二十有五二子在襁褓中矢志撫孤蓬蓽蕭然氏研朱點畫經書口授二子卒年六十三子枚諸生祐貢生

高氏武進士策女年十八適曹啟元甫一歲啟元歿遺腹生男族屬欲利其所有遭讐百端氏不爲所動保護遺孤克成立居恒尤善事孀姑以孝婦聞守節歷數十年而卒

陳氏葛亮妻家故貧亮歿父母俱存遺三子饔飧無可

倚藉氏紡績以爲事育自課諸子經史母而兼師子長能有成氏出亮所著四書講義授之曰此爾父心中血也季子崙乃手輯鏤行於世氏守節五十餘年屆八十而卒子崙諸生崙膺歲薦有遠名

俞氏蕭日曠妻日曠割肝救母歿俞年二十五歲奉事舅姑家貧甘旨皆資於十指舅姑歿拮据以殮於喪葬皆竭力中禮守節四十九年年踰七十而終其畢生之艱苦有人所不堪者雍正三年題准建坊旌表里人祔祀於梅花嶺日曠孝子祠

楊氏張澈妻澈死楊年二十遺子尺木甫週歲食貧訓

江都縣志

卷之二十九

列女

五十四

子補郡諸生先後娶二媳皆故各遺一子又躬自撫育及於成立年七十三卒

楊氏庠生陳應鳳妻夫歿氏年二十八遺子華尚幼茹苦教之子長官秀水知縣氏年八十

俞氏蕭廷芳妻年二十而寡矢志撫孤子長娶婦生孫後子孫相繼亡媳亦大歸氏遂依母家紡績自給卒年六十二

蕭氏石嶼妻事夫致敬夫亡哭晝夜不輟瞳子墜焉由是飯不稻米啖麩餅八年歿

汪氏黃應聘妻二十三歲夫亡孝養孀姑撫子成立計

守節六十年雍正元年 旌表

吳氏汪文斗妻迎娶輿甫及門文斗以暴疾歿氏聞悲悼求赴父母不許氏剪髮毀容誓必死父母聽之遂往爲文斗執喪舅姑心惻爲之立嗣守節三十七年雍正二年 旌表

王氏中書方成可側室成可疾革時氏年二十憐其少呼至榻前畀以金帛令大歸擇所適氏撫床號慟截髮自矢成可歿卽屏居小樓惟於朔望下謁其嫡平居雖家人罕見之撫所生子願瑛曲盡教育願瑛能績學立名譽初官懷慶府知府秉母訓潔已愛民治行稱中州

江都縣志

卷之二十九

列女

五十五

冠卓異遷贛南道累官廣東按察使後 特起用以雲南監司候補氏卒時守節計四十二年題准建坊 旌表祀貞節祠

錢氏卞王相妻年十九適卞夫已臥病二十二夫歿事太姑暨翁姑盡孝守節三十七年嗣子之鎰歲貢生雍正二年 旌表

蕭氏孝子曰曠女歸高成英生子女各一年二十七英卒荼苦守貞英弟成業敬事寡嫂撫其子女如已出未幾業卒妻俞氏年未三十無子守志妯娌以讓以和稱

一門雙節



張氏耿大廉妻年二十四寡生遺腹子兆昌守節五十年雍正三年 旌表

俞氏徐裔蔚妻年二十二寡守節四十五年侍祖姑病便遺皆手自洗滌姑歿賣釵餌以爲殮撫二子皆成立雍正四年 旌表

錢氏卞咸亨妻年二十五夫病刲股進之不效誓隨夫死祖姑力勸之方止勉撫一子一女而孝事祖姑計守節二十年卒雍正四年援新例 旌表

楊氏庠生郭綏妻年二十而寡奉舅姑撫孤子守節三十七年雍正四年 旌表

江都縣志

卷之二十九

列女

五十六

湯氏吳願臣妻二十二歲夫歿家貧苦節操作以事翁姑守節三十三年雍正四年 旌表

徐氏吳敦佑妻年二十四夫歿無子泣請于孀姑程氏以嫡姪爲夫後撫之成立守節二十九年雍正四年 旌表

韓氏李弘涵妻二十四歲夫病刲股以進不效韓矢志撫孤計守節三十三年雍正四年 旌表

仲氏藍應舉繼妻二十八歲夫亡甘貧守節歷五十五年雍正四年 旌表

居氏王待聘妻年二十四夫亡子未一週居躬自操作

訓子成立守節二十一年卒雍正四年 旌表

程氏吳念祖妻年二十一夫歿苦節撫孤歷四十一年  
雍正四年 旌表

王氏鄭毓琮妻年二十四夫亡既而翁客死江右王盡  
鬻其產倩人輿柩回爲之營葬事嫡庶兩姑俱極孝嫡  
姑歿殯殮尤盡力焉氏無子繼一子又隨歿苦節三十  
二年雍正五年 旌表

閔氏巴士遇妻年二十四夫歿撫孤矢節奉孀姑盡孝  
歷三十三年雍正五年 旌表

羅氏吳植松妻年二十六夫亡於西粵親往扶柩葬於

江都縣志

卷之二十九 列女

五十七

祖瑩撫孤守節四十三年雍正五年 旌表

馬氏胡重英妻年二十二夫歿守節四十七年雍正六  
年 旌表

朱氏淥洋湖虞大義妻婚後期年大義死姑亦相繼歿  
大義兄大典欲奪其志朱不從引刀扼吭穿其喉三寸  
許死年二十二

吳氏程昊孝妻二十九歲寡矢義撫孤歷二十六年以  
全節稱鄉里

季氏高以遵妻年十九夫亡有二子叔利其遺產逼令  
改適季投環投井並爲人救不死乃携二子避出以女

紅自給悉棄其所有與叔撫二子使自立年至七十有四而終

王氏高克標妻年二十六夫亡事祖姑與姑及其歿殫力營殯葬撫二子俱有成苦節四十年至六十六歲終  
王氏鄭祖怡妻年二十九寡事孀姑育襁褓子苦節三十五年

汪氏方文學妻夫亡年二十七無子請於舅姑立姪天育爲嗣撫養教誨如所生苦節二十一年卒康熙丙子天育舉於鄉

顧氏郡庠生高鼎牧妻嫻於內則夫攻苦績學恒篝燈

江都縣志

卷之二十九 列女

五十八

以佐焉夫疾篤籲天請代歿矢身殉舅姑勗以撫孤乃不死事兩世之尊嫜者極孝養致其誠喪尤哀禮兼盡教諸子以義方守節歷四十餘年年七十而卒長子元崑康熙戊戌進士累官福建鹽法道次元崑丁酉舉於鄉元岱邑諸生氏以 覃恩贈恭人人謂爲節孝之報  
郝氏州同王瑯徵妻夫亡苦節撫孤歷四十餘年終  
劉氏邑諸生張天祥妻年二十五守節歷三十餘年以子琦任銅山遊擊 封淑人  
吳氏許字閻蓬生未嫁蓬生卒女請終喪不果竟以悲泣而死父母哀之爲合葬焉

孫氏吳兆熊妻嫁三年熊病劇孫割股肉兩片血濡衣  
裙暈而復甦熊竟不起後二日孫哀號創裂而死  
程氏進士文正女適監生江昺昺疾氏刲股屢進不瘥  
及歿氏欲身殉家人防衛之哭則淚與血俱日食不盡  
一盂哀毀踰兩月以悲痛死

姜女幼字趙南山未嫁夫亡氏往弔誓死其母強之歸  
是夜飲鹽溲數盃而死縣令張瑀表其墓

吳氏陳樛妻夫病篤泣禱於天請以身代絕食成疾卒  
後夫病尋愈

秦氏高克闇妻年二十夫亡吞金以殉不死乃守節嫁

江都縣志

卷之二十九

列女

五十九

其二女立姪爲夫後卒

周氏汪沂妾年十九年子彌月沂歿嫡憫其幼令改適  
周抱子哭矢志勿二及子汝樑婚方有孫而子與媳相  
繼歿周更撫孫時照成立娶孫婦閔氏生曾孫培時照  
又早喪周偕孫婦閔氏撫培至七齡年六十九歿閔撫  
孤子培家益貧以紉績自給拮据爲培婚生子名甫四  
齡培復亡閔偕婦張氏撫孫亦如周偕閔之撫曾孫焉  
閔二十六而寡歿年七十五培妻張氏撫孤至八十五  
歲守義之年與周閔等凡三世各苦節五十年閭里中  
無不嘖嘖稱之

鄒氏適萬氏子萬貧而無賴鄒姿麗諷之以不貞鄒恚赴水死

徐貞女邑諸生徐復之女許字同里閻班生未及嫁而班生歿貞女卽欲臨喪家人以非禮所有聞勸阻之遂誓死不更適依寡母樓居二十年幅巾覆首綉大士像一軸懸之室中晨夕禮拜茹素終身後歿於母家

葛氏高子碩妻守節歷三十六年

王氏周士英妻二十一歲夫歿守節五十三年

歐氏潘大謙妻二十二歲夫歿守節五十二年

高氏貢生蕭廷瑞妻夫早歿守節至八十一歲卒

江都縣志

卷之二十九

列女

六十

裔烈婦黃珏橋鄉農女父歿依母年二十四適在城之孫大成孫以磨腐爲業氏甘同作苦然瀝豆炊漿必於晨光未晞時其姑及兩女素不潔家多惡少年往來氏益深自避匿比歸寧夜持母踵而泣不言所以及返檢母篋中青白線各一縷且理且行曰兒終不辱父母母老亦不省所謂還夫家未數日姑與兩女共惡少飲時盛夏裸譟窗外姑呼氏出不應詬詈之俄皆酣臥氏恐終不免扃戶周縫其袿袼卽以所携青白綾二縷自縊死鄰里憤其事聞於官屍陳烈日不腐郡守孔毓璞實諸淫者於理奠其柩爲塋平山池霍兩烈女墓側雍正

十一年邑人汪應庚為請 旌建坊祀五烈祠 禮部疏稱烈婦

裔氏忿閨帷之不潔素秉禮以持身恐強暴之見污遂捐軀而殉節洵堪砥礪風化所當激揚堅貞

項烈婦姓程氏適項起鵠僅數月起鵠賈粵西死有傳

其凶問者氏即絕粒矢自盡舅姑謂間關數千里安知

非誤氏乃忍待確耗閱年得其真旋值起鵠忌日氏號

慟設奠並拜舅姑囑小叔以善事二老退即闔戶自經

死里人高其行為葬平山諸義烈之右縣令王元穉拜

墓下題其碣雍正十一年邑人汪應庚為請 旌建坊

祀五烈祠 禮部疏稱烈婦程氏于歸未久忽啣寡鵠之悲之死靡他遽蹈投繯之慘義屬可嘉情尤

憫堪

江都縣志

卷之二十九 列女

六十一

朱氏簡士德妻夫歿撫遺腹子成立守節三十三年

樊氏焦必萃妻年十九夫歿撫遺腹子成立守節四十

四年

周氏監生湯啟哲妻年二十二寡苦節三十餘年

戴氏韋尚義妻夫歿赤貧苦節二十年

黃氏王子林妻二十五歲夫歿苦節撫孤三十五年

童氏韋之珩妻苦節三十餘年

曾氏襄愍公裔孫女國學生蔣銳繼室銳歿曾撫前妻

三子已二子俱成立完婚娶前後四子相繼亡曾率子

婦張氏史氏曾氏劉氏皆茹荼苦守矢志不二以撫鞠

諸孫人稱一門五節

洪氏程曙妻年二十九夫亡守志撫子子又歿繼三歲  
孫相依至九十六歲雍正元年 賜粟帛

汪氏劉廷弼妻年二十七夫亡撫孤守節五十六年雍  
正元年 賜粟帛

鄭氏吳人元妻年十九夫歿一子方襁褓撫之成立守  
節三十八年雍正五年 旌表

浦氏宦介公妻年十九夫亡子周歲撫之二十五年子  
與媳偕歿又撫其孫苦節五十七年雍正六年 旌表

何氏孟嘉諭妻年二十七夫亡事翁姑盡孝苦節二十

江都縣志

卷之二十九

列女

六十二

六年歿雍正六年 旌表

陳烈婦姓周氏江寧人適陳國材僑居江都國材一夕  
暴卒氏年二十六慟視含殮後檢嫁時衣飾授陳從姪  
一煒曰未亡人無出他日吾夫一盂麥飯唯姪是賴區  
區者留以志也見者知其有從死意父越江至多方勸  
慰之氏慷慨語曰父無悞我兒無舅姑一宜死無子嗣  
二宜死僦居無依必歸江寧衣食無給則嫁嫁非所忍  
言三宜死然兒不敢毀傷身體將正命而斃父無以難  
始吞金指紉不死繼吞金屑亦不死遂粒米勺水不入  
口端坐室中餓二十日死里人爲塋平山堂諸貞烈側

有司上其事雍正十年 旌表祀五烈祠

禮部疏稱烈婦周氏宛轉

殉夫從容盡節結縵未久而決志吞金實明大義於胸中應邀 旌典於格外

陳氏魏學祖妻年二十而寡家極貧舅嗜學著書不知問生產姑膺痼疾小姑叔皆幼氏以一身任事育之責夜紡績日扶持病姑兼鞠諸姑叔操作辛勤二十年如一日姑叔長為畢其婚嫁叔生子之中方立中為夫後教之成立有聲庠序間後叔歿方亦亡氏更令中次子侗繼方奉叔祀歷今苦節五十五年雍正十二年旌表

姜烈女年及笄族惡姜聖雲矚其艾強調之拒不從義

江都縣志

卷之二十九 列女

六十三

忿旋自縊江撫邵實聖雲於法題奉 旌表並檄有司

為置主祔節婦祠

馬氏黃履勗妻監生馬臨女也年二十三夫歿守節三

十年雍正十一年 旌表

陳氏韓汝舟妻夫早歿無子食貧守節終其身

曹氏郡諸生韓汝泰妻夫亡氏年僅十七生遺腹子泣而撫之家極貧課子修脯皆其澣工所積一金至數十餘粒見者哀之子梗游庠序有聲氏苦節三十餘年雍正十二年 旌表

正十二年 旌表

吳氏監生方敦化妻嫁時年十五至二十而敦化歿遺



孤甲秀甫四齡氏泣撫之備嘗艱苦及其既長而授之室無何甲秀復死媳許氏年二十二藐孫馨始三歲許隨姑守義相與共保一綫族之不逞者恒戕賊焉賴兩氏周防以全吳守節四十二年而卒乾隆元年 旌表汪亦守節二十九年矣

蔣氏監生胡起元妻年二十六夫亡無子以姪爲子孝事翁姑嘗刲股以療翁疾守節踰三十年乾隆元年旌表 命下而已卒其嗣子婦亦蔣氏卽其兄舉人繼修女嗣子歿婦亦青年守志人稱後先媲美云

于氏金壇進士于雲石女年十七適庠生李錡錡早亡

江都縣志

卷之二十九

列女

六十四

遺一子肇登甫五齡家甚貧氏撫孤守節冬月無絮爨下恒斷炊族人勸其改嫁氏以死自誓至自縊兩次救免苦節四十餘年肇登餼於庠膺歲薦

羅氏胡錦雯妻二十五歲夫歿守節三十餘年

鄭氏閔行妻二十八歲夫亡撫孤奕雋爲娶婦姚氏姚年二十有 奕雋客死淮北襁負其子華渡河扶櫬備嘗險阻二寡一孤孳孳相守鄭守節三十五年歿姚守節三十六年乾隆元年 旌表

王氏庠生史品節繼妻二十四歲夫歿守節踰五十年

子道義府學生

朱氏裴晉駟妻年十八于歸閱三月夫歿守節踰三十年

方氏中書方成可女適廩生吳承勳年二十六夫亡無子立嗣撫孤嗣子授室後復亡婦亦方氏相與同守立孫以延夫祧歷五十七年於乾隆元年 旌表氏今年且九十矣

方氏監生吳景襄妻年二十八而寡撫孤植節備歷艱辛子復中年早逝與孀媳馬氏共撫孤孫一門內冰操相繼乾隆元年 旌表

于氏諸生于道中女適陳達二十七而寡守節三十二

江都縣志

卷之二十九

列女

六十五

年乾隆元年 旌表

高氏貢生耿鳴球妻二十六夫歿守節二十六年乾隆元年 旌表

程氏方士鑑妻年十九而寡義不再適與孀姑金氏形影相依家中落日益其貧姑歿喪葬皆其典鬻所辦所繼子素憨愚爲之授室婦復亡伶丁孤苦歷三十五年乾隆元年 旌表

徐氏監生方肇耿妻年二十八守志健持門戶以禮法稱宗黨間繼伯子夢廌爲夫後教之成立歷今踰三十年乾隆元年 旌表

高氏金維礪妻年二十九夫亡號慟矢殉念夫僅遺一女無乳則不生是並斬其餘息也依叔守節足不踰閨闕凜然松柏歲寒之操乾隆元年 旌表

金氏吳天城妻二十六而寡守節閱五十七年歿乾隆元年 旌表

張氏太學生張師孟女適程炯年二十七夫亡撫孤守志歷二十五年乾隆元年 旌表

程氏監生余之衡妻年二十四夫亡育三子守節二十年病劇曰前之所以不死者以三子未立也今不從吾天又奚待乎不服藥而歿乾隆元年 旌表

江都縣志

卷之二十九

列女

六十六

金氏陳嘉誼妻年十七嫁十八而孀育子奉姑竭心力焉終身齋素未嘗解戚容守節五十八年歿乾隆二年 旌表

楊貞婦邑之東鄉人父木工與市猾曹大相識大聞其女美爲子強娶以歸大妻素不端見金夫輒與私欲新婦效之不從乃絕其餐飼以犬豕食鞭之千百終不從於是造諸具日肆榜掠楊身無完膚哀號徹於四鄰鄰人共憤鳴之官官執大及其子笞之楊竟以傷重死縣令王元穉爲買棺塋之梅花嶺不數日大與妻皆暴亡人以爲天殛之云

張氏孫肅妻二十四歲夫歿撫遺腹子守節三十五年  
王氏史克統妻年十七于歸半載夫歿值翁病氏割股  
和藥進之與孀妣趙氏並姪女效廉同居守節踰三十  
年

徐氏蕭廷璘妻姑朱氏衰年齒落以乳飼之鄉黨稱其  
孝

李氏蔣學禮妻姑老邁疾謹侍湯藥數月不解衣帶學  
禮死李苦守三十餘年而歿

饒氏庠生王業昌妻喪夫遺孤二歲盜劫其家饒置孤  
子複壁盜索孤火灼其膚終不言而免苦節四十餘年

江都縣志

卷之二十九 列女

六十七

子復安長入成均娶妻魏氏事姑孝嘗以舌舐其瘡復  
安歿亦守節五十四年

許氏字庠生李清智未婚清智歿氏聞服衰麻至喪所  
憑棺大哭遂留事翁姑不五年病歿

方女字仇觀瀾未婚而寡女號慟欲歸於仇兩家俱阻  
之不從遂歸於仇氏茹素衣縞垂二十年邑令蔣鶴鳴  
旌之曰媲美共姜

吳氏幼字仲立本立本未婚歿氏奔喪至其家孝事翁  
姑雖至戚不通半語未幾翁歿家益貧氏紡績養姑歷  
三十六年邑令張有觀旌之

郝氏孟賜榮妻年十八夫亡上事翁姑下撫孤子苦節十八年而歿

宋氏庠生張淑妻二十五歲寡奉姑至孝姑歿柩在室鄰火將及之宋號泣拜禱火即止守節三十年歿

蔡氏桑延齡妻二十歲夫歿姑衰子幼百極顛危撫子後又復撫孫守節六十一年至八十一而卒

薛氏主簿徐爾揚妻守節四十八年題准 旌表

高氏監生郭琦妻守節四十年

湯氏庠生朱泓繼妻于歸歲餘泓歿湯年二十六撫前婦子繩如己子守節三十二年

江都縣志

卷之二十九

列女

六十八

彭氏王業中妻守節五十餘年

蘇氏王國泰妾國泰歿蘇矢志撫孤終身不苟葦衣帛歷三十三年歿子宜爵庠生

楊氏杭篤生妻年二十五寡守節三十年

吳氏孫元昭妻夫亡守節三十八年歿

朱氏吳御繼妻二十八歲喪夫有子甫三歲撫之成立守節四十年

王氏監生李正東妻年十八夫歿遺腹生一女三黨勸之改適王誓以死守後依其女以活苦節踰四十年

方氏余佳庚妻年二十二夫歿方撫兩月幼子守節踰

三十年

石氏李標繼妻嫁未一年夫歿守節二十六年

張氏陳士坤妻夫卒遺孤八歲守節四十年弟士信亦早卒無子妻凌氏同守節姑疾刲股和藥以進

劉氏黃家章妻夫歿劉苦節數十年撫二子穎鎔俱補諸生

張氏庠生李境妻守節四十九年次子婦焦氏守節三十餘年另有傳

張氏京江少宰張鵬女庠生李肇斗妻姑病刲股和藥以進二十一歲夫亡守節三十年歿

江都縣志

卷之二十九

列女

六十九

奚氏趙炳蔚妻年二十七夫歿撫四歲孤守節四十六年題准 旌表

劉氏朱應祚妻年二十四夫歿守節五十三年

倪氏蔣士標妻年三十寡苦節三十三年子獻邑庠生

喬氏張延慶妻二十七歲夫歿守節三十六年

余氏高熊彥妻彥卒余年十八遺腹生子彭年未幾翁姑相繼歿盡力營葬挈子歸母家或潛謀奪其志余與

孤兒夜投伯高夔彥告以故欲自盡夔留之給衣食焉

彭年漸長氏使就村塾天甫明即迫之出後彭年補諸生未幾復病死氏益貧窘苦節七十一年至八十九卒

韓氏進士日起女適庠生喜友龍夫病刲股和羹進之不效守節撫孤娶婦後乃大慟跪夫木主前曰可相隨地下矣遂絕粒死孫立本庠生娶汪氏亦二十一歲守節另有傳

孫氏束坤妻坤遠出舅患癰姑患痢孫手滌中裊奉侍百有餘日姑歿時語氏曰勞汝一生無以報汝願汝兩媳亦如汝孝聞者感泣

汪氏凌虞士妻年十九夫亡撫遺孤守節四十四年乾隆二年 旌表

葉氏黃孝先繼妻夫亡守節四十六年乾隆二年 旌

江都縣志

卷之二十九

列女

七十

表

史效廉癸卯舉人繼鮐孫女許字張憶木未嫁憶木歿女號哭臨喪嚙指誓不再嫁時寡母趙年七十女日事針黹手種舍旁隙地給母饗殮歲時祭其祖考并及亡夫歷今數十年矢節彌篤云

鄔氏邑廩生劉國鼎妻夫卒遺藐孤二長甫二歲次生未彌月氏食貧守志憑女紅以育子教之讀父書次子謙癸卯舉於鄉官河南衛輝府知府人以爲氏苦節之報云乾隆二年 旌表

吳氏瓜洲周廷玉妻周於順治己亥死海氛之亂吳年

二十有一代養舅姑撫弱女烝烝守志歷四十三年以

全節終乾隆二年

旌表

周廷玉舊志作周  
玼今據請旌詳案

吳氏汪道鉉妻生員汪傑女也二十八歲守節歷三十

一年乾隆二年 旌表

江氏庠生蘇廣妻年十八于歸閱六月而夫歿撫遺腹

子允德年十七補諸生娶婦曹氏二年允德歿曹年二

十四歲事姑撫孤備嘗艱苦江守節五十六年曹守節

三十年曹子蕃入江都學乾隆二年姑婦同與 旌表

張氏潘人傑妻年二十九夫亡守節事八十之翁撫七

齡之子歷今三十六年

江都縣志

卷之二十九

列女

七十一

馮氏丁某妻守節三十年婦朱氏守節亦四十年

舊失夫名

姜氏徐恒初妻年二十八夫亡守節至八十六歲

李氏庠生瞿日升妻年二十餘夫歿守節三十年

丁氏姜履坦母二十五歲夫亡守節年踰九十

余氏吳學仲妻二十九歲夫歿守節五十年

黃氏建陽令吉暹女年十七歸程夢齡嫻於內則善事

兩世之尊嫜夢齡以力學致疾氏調護備至及卒毀容

矢義撫叔子爲己子由二十四歲守節歷劬勞三十年

嗣子志益克秉其教有成乾隆二年 旌表

汪氏生員喜本立妻年十七歸本立事姑極孝姑病痢



穢皆手掬之家徒壁立以女紅佐中饋閱五載而夫亡  
氏年二十二守節舅遠館西蜀擋門戶鞠育小姑撫五  
歲之遺孤於有成舅耄而歸氏奉之尤謹里中稱其孝  
節乾隆二年 旌表

吳氏王日秩妻年二十二守節歷三十一年乾隆二年  
旌表

蔣氏邵伯鎮蔣伯夔女適瓜洲監生周維熊年二十八  
夫故氏持門戶撫孤歷四十五年乾隆二年 旌表

方氏王煥妻年二十三夫歿事舅姑育孤子篤於孝慈  
而更動中禮度守節四十六年乾隆二年 旌表

江都縣志

卷之二十九

列女

七十二

蔣氏瓜洲人貢生蔣垣女適朱時麟夫早亡撫孤子鳴  
岐鳴荆俱補博士弟子守節歷三十三年歿乾隆二年  
旌表

鄭氏張世名妻二十一歲夫亡守節四十七年

王氏李元凱妻夫亡割髮矢守歷三十七年

劉氏吳嘉游妻二十六歲夫歿守節三十四年

常氏生員凌祐穎妻撫孤守節五十五年至八十五歲

沈氏賈正妻年二十二喪夫生遺腹子守節四十年

郭氏朱懋昭妻夫亡守節五十餘年子珏雍正癸卯舉

於鄉穎州教諭

蘇氏吳漣妻 十一歲夫亡守節踰三十年

樓氏鄭國綸妻二十一歲夫歿生遺腹子守節踰三十  
年

杜氏張之政妻年十六于歸嘗刲股療姑疾二十七夫  
亡翁勸之改嫁不可事翁逾孝歲歉必購米作炊以奉  
而自食糝糠止一子已娶婦而子夭一室二嫠二十餘  
年人不堪其苦而姑媳安之

單氏年十六歸孫寧生寧生病刲股不效縋首柩旁姑  
救之甦遂矢志事姑姑得痺疾飲食便溺皆手親之數  
年不懈苦節三十年乾隆三年 旌表

江都縣志

卷之二十九

列女

七十三

汪氏羅芳一妻年二十八夫歿號泣至目青守節四十  
五年

李氏姚一松妻十八歲夫歿撫孤子守節三十九年

王氏監生黃也山妻年二十七夫歿守節三十四年

仇氏蔣翹妻年二十四夫歿守節十餘年而亡

程氏監生洪元怡妻年二十寡與妾江氏同守節四十  
餘年乾隆三年同與 旌表

王氏呂伯雋妻二十九歲寡苦節三十八年

史氏潘永吉妻二十歲寡生遺腹子苦節五十七年

史氏生員錢元禧妻守節三十六年乾隆三年 旌表

葉氏俞椿妻年二十九守節撫孤至九十三歲終

卞氏俞廷玉妻守節教子至善洪善俱武舉

陳氏杜天吉妻年二十二夫歿生遺腹子士立守節四十五年

吳氏項德輔妻年二十三寡撫孤志發成立至七十終

張氏孫愚生妻二十三歲夫亡苦節六十七年至九十終

汪氏諸生程麟祥妻二十九歲夫歿守節五十餘年

楊氏張士賢妻年十九夫亡越七日舅姑相隨而歿楊疊舉三喪不勝其慘越五月生遺腹子守節踰三十年

江都縣志

卷之二十九

列女

七十四

建坊 旌表

李氏宋丞相庭芝後廩生玉桂女也適高士衡衡卒撫遺腹子茹苦奉姑姑病劇刲股以救守節三十二年乾隆三年 旌表

楊氏年十六父病刲股獲愈適庠生樂世采姑病又刲股肉療之氏妹適俱玉紳夫亡年十九矢志撫孤子復天氏歸依父家後繼姪長松爲嗣婚娶皆出女紅守節終身

任氏劉國鼐妻年二十八而寡遺孤三人氏茹荼教育之長裕爲諸生孫元曰元豐元亮亦後先遊庠序苦節

五十八年至八十五歲而終乾隆三年 旌表

朱氏潘殿玉妻二十八歲夫歿守節歷三十二年乾隆三年 旌表

徐氏彭苓妻年二十三夫亡生遺腹子守節子又亡媳

張氏亦同秉節操徐苦節四十四年乾隆三年 旌表

朱氏黃柳人妻年二十夫亡生遺腹子守節歷三十餘年

章氏劉鴻功妻守節三十五年

馬氏孫枝藻妻守節五十三年至八十一歲歿

金氏王彥孝妻年二十三生子而夫歿守節五十年

江都縣志

卷之二十九

列女

七十五

胡氏許士圻妻守節三十三年

瞿氏貢生趙仙庚妻二十九歲夫亡守志二十六年

吳氏王元泰妻夫亡守節三十餘年

方氏適監生吳家桂踰歲夫歿氏年僅十八遺腹生女一月而殤氏念姑守節無依勉稱未亡人事之立堂姪以承夫祀同姑秉操四十二年乾隆三年 旌表

鄭氏主事鄭士炳女適吳邦昌年二十八守節歷二十八年乾隆三年 旌表

袁氏蔣世祿妻二十六歲而寡守節計三十二年乾隆三年 旌表

朱氏黃玉信妻二十四歲夫歿守節歷二十八載乾隆三年 旌表

程氏儒童謝應璜妻年二十九夫歿守節至五十八年乾隆三年 旌表

劉氏生員張天祥妻天祥歿氏年二十有五守志歷三十五年以全節終乾隆三年 旌表

鄭氏巴一曙妾二十三而寡嫡程氏素病事之唯謹教所生三子皆入學旋復相繼而亡撫諸孫於有成年至八十而卒其守節造家者歷五十八年乾隆三年 旌表

江都縣志

卷之二十九

列女

七十六

汪氏貢生姚靄妻靄於康熙癸酉赴省試覆舟死氏慟欲殉身以孤方在抱髻而撫之家日以落茹荼不渝守節閱四十七年乾隆三年 旌表

吳氏王廷傳妻年二十一夫亡無子其翁姑年已六十尚無次丁及納妾生一子而二老繼歿吳乃撫幼叔長成盡以遺產畀之留薄田自給守節歷五十八年乾隆三年 旌表

汪氏吳文升妻年二十四夫亡守節歷三十七年乾隆三年 旌表

殷氏蔣旭妻年二十甫婚兩月夫亡隨執翁喪事衰姑

育遺腹子子復夭苦節三十餘年

薛氏張克明妻二十三歲夫亡撫孤守節十八年歿

鄭氏趙嶸妻二十三歲夫亡守節四十年

張氏監生劉光裕妻婚半月夫遠出歸半年夫死家貧  
以女科醫自給守節踰三十年郡縣咸旌其廬

劉氏張思孔妻二十三歲夫亡守節五十九年終

沈氏張文秀妻年二十七夫亡守節五十八年終

羅氏庠生孫友仲繼妻年三十夫亡守節歷三十二年

王氏庠生姚典妻年二十一夫亡代事舅姑竭力殯葬

又爲夫幼弟娶妻生子以延宗祀苦節歷四十年

江都縣志

卷之二十九

列女

七十七

汪氏湯有虔妻年二十四寡守節三十八年乾隆四年  
旌表

陳氏閻苞生妻年二十餘夫歿生遺腹子上事舅姑以  
女工易米而養子女食麥屑自食糠粃舅姑歿不離柩  
側者三年苦節歷五十餘載乾隆四年 旌表

易氏監生吳允楷妻年三十而寡妾李氏年二十七而  
寡同守節撫孤易歷四十六年至七十五歲李歷六十  
一年至八十七歲乾隆四年同 旌表

陳氏譚燭妻二十八歲守節舅歿哭之成盲事孀姑孝  
養備至教孤子以義方歷今逾三十年乾隆四年 旌

表

李氏適吳光敏夫亡年二十有二守節歷三十八年乾隆四年 旌表

錢氏生員錢元禧女適黃以祉爲繼室未滿兩月而夫故氏年二十磨笄自矢守節歷三十五年乾隆四年 旌表

程氏貢生程選女適儒童閔兆汶年二十九夫歿守節歷二十三年卒乾隆四年 旌表

朱氏監生徐岱妻夫歿氏年二十有九冰操歷二十六年乾隆四年 旌表

江都縣志

卷之二十九

列女

七十八

楊氏林國盛妻二十四歲而寡至八十六歲而歿計守節六十二年乾隆四年 旌表

陶氏宜陵人諸生陶淑重女適吳震和二十三而寡守節歷三十三年乾隆四年 旌表

歐氏許天植妻二十七歲夫歿一貧如洗而矢志彌堅澣紉撫孤歷三十餘年乾隆四年 旌表

羅氏于任鑿妻二十四歲夫歿養姑撫子艱苦備嘗今守節踰五十年

季氏于倬鑿妻二十五歲夫歿守節踰四十年

鄭氏張峻標妻年二十六夫亡撫四歲孤苦節四十七

年歿

周氏常守信妻守信墮水死周年二十六族人謀奪其志周斷髮矢志撫二孤苦節三十七年歿

白氏郭士英妻年二十八夫亡事孀姑撫幼子苦節四  
十三年

顧氏諸生繆斌妾年二十四寡撫孤守節二十四年歿

龔氏孔學龍妻姑病刲股療治之夫歿艱辛鞠子守節

踰三十年

翟氏監生吳琦妻守節三十五年

高氏庠生楊宏選妻守節三十二年

江都縣志

卷之二十九

列女

七十九

孫氏胡高標妻守節三十一年

汪氏王咸徵妻守節四十八年至七十六歲

奚氏潘皚妻年二十七夫歿守節三十年題准 旌表

高氏潘照妻年二十三夫歿守節二十九年

陳氏李友椅妻二十二歲夫亡撫孤守節閱六十年

王氏李友栢妻年十八夫亡撫孤守節至八十一歲歿

何氏李友榛妻年二十夫亡撫二子守節至八十七歲

歿

彭氏李友榎妻年十九夫歿守節至九十六歲歿子之

璜補縣學生



吳氏高相州妻二十七歲夫亡守節至七十歲歿

鄭氏閔士琬妻年二十夫歿苦節四十餘年

蔡氏姜佩蒼祖母年十九而寡遺孤二歲撫之至長娶

婦袁氏二十六歲而寡姑媳相守蔡歷年六十九歿袁

歷年四十八歿

閻氏生員周子信妻年二十七夫歿事姑守志康熙已

卯河決從洪濤中手挽翁夫兩棺厝之高阜獨支門戶

撫養二子守節二十五年歿

韓氏生員潘瀛妻年二十一夫亡立姪爲後苦節四十

六年巡撫張伯行旌其門乾隆四年給 帑建坊

江都縣志

卷之二十九 列女

八十

張氏閔天緯妻年十九夫亡撫孤守節歷三十一年

王氏謝廷恩妻年二十八夫亡繼姪捷生爲嗣守節踰

五十年

俞氏許士雄妻年二十四夫歿撫孤守節歷三十八年

周氏裔翠屏妻年二十六孀守節四十三年

蔣氏生員郝喆妻二十九歲夫歿守節四十三年

劉氏周在朝妻二十六夫亡守節四十三年

張氏井養賢妻守節三十餘年

張氏趙君榮妻二十九歲夫歿守節四十七年

馮氏寇鍾繼妻十四嫁十六而孀家貧紡績撫孤苦節

三十餘年乾隆四年 旌表

吳氏庠生方祖耀繼妻二十八歲夫亡守節三十三年

乾隆四年 旌表

王氏張啟緒妻年十六于歸未期月夫歿孝事舅姑撫

姪爲嗣苦節三十五年

王氏沈日融妻年二十七夫亡守節四十年

錢氏李日翔妻年二十八夫亡守節五十九年至八十

六歲

洪氏潘濟遠繼妻年二十五夫亡遺腹生一女并前出

一女矢志苦節三十年歿

江都縣志

卷之二十九

列女

八十一

萬氏項嘉遠妻年二十一夫亡守節歷二十七年

孔氏劉士通妻年二十三寡守節歷五十二年乾隆四

年 旌表

周氏石守義妻年二十五夫亡守節三十九年

俞氏潘君榮妻年二十九寡守節六十一年壽九十終

薛氏宋之歐妻年十八喪夫苦節五十餘年

盛氏庠生狄時雍妻年二十一夫亡守節歷四十餘年

程氏葉幼禽妻年二十七夫亡事祖翁及孀姑盡孝生

一子又歿苦節歷三十七年

田氏龔氏俱許培元側室培元歿田年二十三龔年二

十一俱茹苦守節撫二子成立各歷四十餘年  
相氏閔懋昂妻年三十夫亡守節至七十九歲  
夏氏蔣泗雲妻年二十四寡事舅姑撫孤子苦節五十  
年至七十四歲歿

程氏監生鄭一桂妻年二十三夫亡守節三十年

龔氏吳自鈺妻年二十二夫亡苦節撫孤歷四十六年

陸氏知州陸應幾女監生郝勳繼妻年二十九夫亡事

孀姑龔氏極孝親授孤子經書苦節二十八年歿子正

繹有聲庠序間乾隆四年 旌表

王氏張衍恒妻年二十夫亡惟一女撫之出嫁苦節歷

江都縣志

卷之二十九

列女

八十二

三十年

叢氏太學生楊仁澤妻年二十五夫歿守節撫孤三十

九年卒

程母姓江氏贈奉直大夫之諡繼室也孝於舅姑能以

禮法齊其家黨族舉奉爲矩矱一乳十二子教必義方

登科第負時望者彬彬焉壽躋九十六歲五世一堂繞

膝逾百人長孫入翰林餘亦多列仕籍母屢膺

貤封 賜粟帛人謂其懿範不讓鍾郝而備福則過之其

冢子渭航妻卞氏全四德修百行克以嗣其徽音亦稱

賢母

劉氏太學生劉祈穀女適貢生魏嘉瑛性溫克事舅姑能色養常以退讓型庭除間伯亡姆哀毀成廢疾遺孤甫八月無所得乳氏割女乳乳之會孤與已女同患痘孤痘劇氏晝夜抱持謹醫藥不暇顧已女家人或諷之含涕曰此伯氏一綫最重也孤賴以全姆歿哭之慟爲手治殮具時際歲除悲勞交迸遂以病雖臥榻必日檢視姑饋及勤恤伯氏諸子女彌留時猶搯七箸以治姑夕饘盃甫脫手而神離矣黨族無不賢而哀之其長女適丹徒孝廉張光裕婿常客京師女操作代養已恒不免饑寒姑病背疽女以口吮其濃血爲百足傷幾殆歷

江都縣志

卷之二十九

列女

八十三

艱苦二十年及光裕筮仕而已死丹邑之紳士爲舉孝行題准 旌表

藍氏舉人金殿詔妻歸九年夫卒於江右氏聞號慟以刃引決未殊復自經爲家人所解救嗣是遂摧心嘔血終以身殉督撫諸大吏咸旌其門

吳氏諸生吳夢鶴女許字國學生程光裕未嫁而光裕卒誓不更適執喪光裕家事太姑方氏曲盡孝養太姑病刲股和藥以進獲愈踰數月再病復刲股療之忍痛扶持不解襟帶者半載人稱純孝焉

羅氏余有慶妻夫亡遺二子家貧甚躬操作得升合以

育子復傭身於人所得一錢尺布皆苦積營地葬夫歷五十五年人有不堪其慘戚者

王氏孝廉李衡子弘浹婦其祖父皆名宦贛州別駕景亮女也景亮宦忠州氏生於南寧因名之曰寧長就學名亦瑚讀書明大義端莊靜一言笑不形於聲于歸事姑如母窺其意之所向輒先承之父去位罹誣謗兄官嶺南氏星趨視父憂戀不忍離返室後卽以思父致疾竟不起病劇時家人以美羹進詢曰姑食否詭以饕餘應之方少嘗旣思曰此必未奉姑何敢下咽復嘔而出其篤於孝敬如此年二十五而卒姑悲思不已請以其

江都縣志

卷之二十九

列女

八十四

妹續姻好謂不忍忘賢婦云

邱氏生員劉駿妻年二十守節撫子楫入庠邱歿楫繼亡楫妻姚氏年二十七守節撫楫子及孫皆成立閱今已四十年

呂氏高文彘妻年二十九夫歿矢義撫孤苦志歷四十年郡縣屢旌之

貧氏貢生履祥女許字吳彭元年十九未嫁彭元歿女慟不欲生投環家人解救之繼復絕粒父母百計勸憫女誓必守貞夫家乃已志甚烈舅姑因以禮迎歸哭夫甚哀執婦道惟謹踰年以嫡姪植爲之立嗣

徐氏嵇良甫妻年二十夫歿撫遺腹子育之成立伶丁孤苦守節歷三十餘年

魏氏瓜洲人太學生魏京女適熊侍典修行婦道善事其孀姑無何侍典以病廢臥榻者踰十年家日落氏黽勉有無爲夫濟醫藥爲姑供饘饩外擋門戶而內育其子女雖艱苦備嘗未嘗呼助於黨族問夫與姑繼歿喪盡其禮國人賢之其挺霜操以守素幃者尤不愧女宗之目居恒勤於搯作至老不倦教其子克纘先緒郡邑諸當事屢旌之子元慶以孝母篤行稱鄉里

徐氏進士許迎年妻漕運尚書諡清獻女也通經史尤

江都縣志

卷之二十九

列女

八十五

工於詩其發彩流潤兼有庾鮑之長夫歿躬自課子詩書皆其口授佩璜官河南以博學鴻詞舉信瑞中戊午副車人咸謂由母教成之生平著作甚富非僅如謝道韞以一詠稱才云

朱氏熊世鋹妻居瓜洲年二十五夫歿撫孤子崇旦有成崇旦以儒醫游京師每於王公前陳母節 平郡王書松栢風霜額褒之後崇旦迎養廣東年八十卒於署計守節五十五年

焦氏故家女適儒童李汝爲未一載而夫歿年十八生一女甫數月李貧無立錐氏矢志苦守冀得爲夫立後

近屬無可繼者撫族姪爲己子未幾亦殤氏悲痛欲絕  
然終不易其志日爲人縫澣易米育孤女長而嫁之始  
得稍有所倚不再歲而女復死孤苦零丁益極無告之  
慘守三十年竟以窮餓死乾隆五年里人公舉 旌表  
周氏監生葉虞臣妾雖備位小星而心明大義禹臣卒  
氏年二十四有諷其改適者毅然不可曰失節豈人所  
爲况有子乎布衣蔬食撫遺孤於有成歷四十六年而  
終乾隆五年 旌表

葉氏監生張崇齡妻年二十二夫歿遺一子甫三歲家  
故貧繼且益甚氏養姑育子皆於十指取辦之已嘗衣

江都縣志

卷之二十九

列女

八十六

食不充未嘗少有悔志鄂太保總藩江蘇時以巾幗鬚  
眉顏其廬繼於乾隆五年 旌表

吳氏貢生雷庭第妻年二十八守節歷三十六年乾隆  
五年 旌表

張氏李士璟妻二十六而寡守節四十七年年七十有  
二乾隆五年 旌表

杜氏梁沂之妻梁故著族氏能不墮風矩年二十九夫  
歿挺冰搯者三十二年乾隆五年 旌表

呂氏儒童蔡士奇妻篝燈佐讀能爲同心之黽勉年二  
十五夫故守節歷五十九年而卒乾隆五年 旌表

張氏生員朱孝賢妻年二十八孝賢歿氏守志二十有四年乾隆五年 旌表

陳氏適張瑄爲妾瑄亡氏年二十一所生子希衡甫三歲或諷其嫁氏以死誓之卽屏居正室榻側朝夕與偕正室病謹侍湯藥衣帶不解者二十日歿則哀慟幾不有生其撫子者極勞教必以義方挺節歷三十餘年人爭重焉乾隆五年 旌表

程氏武緯妻二十九歲夫歿守節三十六年乾隆五年旌表

兩吳氏一爲胡嗣裕妻一其妾也嗣裕歿嫡年二十六

江都縣志

卷之二十九

列女

八十七

歲庶年十八歲同心守節歷五十六年嫡年八十一歲庶年七十三歲乾隆五年並 旌表

熊氏瓜洲人適同鎮黃應彪未一年應彪遊京師氏年二十一繡工日給應彪五年不返竟以喪歸氏爲竭蹶營葬夫家母家兩無所依屏跡敝廬十指不足以周衣食雖饑寒恒迫而矢志不渝苦節三十餘年卒

吳氏侍御蔚起女也字於卞夫病篤時迎之歸家人或難其行氏曰此義與命也入室視湯藥惟謹夫旋歿悲哀特甚終喪後請姑爲夫立嗣往奠於墓曰向所以不卽死者以無供麥飯者也今若敖可不餒矣何復生爲



撫壙大慟侍婢扶掖之不能起歸卽支離牀簣而死  
劉氏山東萊州人其父孝廉也歲大飢父母絕食者屢  
日氏七歲泣請曰勢難兩全曷鬻我以活父母乎不得  
已賣梁叅議署未幾叅議致政歸見其長而舉止異羣  
婢叩之始知爲孝廉女梁加恤焉時庠士田震妻亡梁  
令納之後震不能自給意欲遣嫁氏矢志不二夜半自  
縊死君子哀其孝義而窮於命者乃如此

俞氏諸生俞友善女適梁世勲家貧甘搯作以佐之歸  
七年翁歿於六月夫歿於九月皆氏拮据以營喪葬時  
年二十有八撫兩男一女未幾子女相繼夭返依父家

江都縣志

卷之二十九

列女

八十八

不數月父復亡零丁孤苦內外一無所倚指工自給誓  
死不渝今守節四十四年年七十二歲

翟氏進士郭誌妾誌官瓊海留侍其太夫人於家隨嫡  
後循循禮度有貞靜之風及誌以奔喪哀毀死翟年甫  
二十有八矢志自衛絕膏沐甘貧薄屏跡中閨卽家人  
亦罕識其面歷二十餘年節操甚著嫡子孫咸敬禮之  
黨族亦無不高其義行者

凌氏程道宏妻夫病割股投糜以進及歿矢身殉念夫  
無嗣上有兩世棺未葬因亟鬻所有營地穿六穴葬其  
先世及夫留一穴自待封畢設奠哀慟人不忍聞是夜

遂投井死距道宏之死四十有九日耳家人引屍出之  
面如生周身衣裾則皆縫紉牢固焉一時弔以詩文者  
成帙署之曰孝烈編

楊氏瓜洲王世芳妻當海氛時舅姑倉皇出避氏抱小  
叔世臣匿田中以瓜哺之得活夫歿年二十八養姑撫  
子守節五十五年世臣感其義屢請於當事旌褒焉  
尤氏姜煥如妻二十七歲夫歿代養孀姑撫子女以成  
立歷艱苦五十三年年八十而卒

茹氏西安庠生任禮妻禮移家江都氏從焉年十九禮  
歿遺腹生子撫之有成守節歷六十年至七十九而卒

江都縣志

卷之二十九

列女

八十九

張氏附監生樊鶴年繼妻年二十八夫歿家業日落氏  
勉搗門戶撫四子一女有成守節計四十五年今八十  
三歲

陳氏邑諸生朱伸妻伸早世氏年二十有五慟夫無子  
立姪以爲之後辛勤撫育歷二十七年以全節終

張女名世華父麒祥病篤刲股肉進之獲甦父歿奉母  
以居兄遠幕四方饗殮或不繼女以指工佐焉年二十  
母爲擇配泣誓曰兄未娶兒必不有行婉婉母左右者  
更七年以力養死里人多作詩哀輓之邑令陸朝璣題  
旌額曰貞孝

張氏常行健妻年二十九歲夫歿矢志不渝守貞歷四十六年家貧如洗人尤以其苦節爲難  
于氏鄉民薛象升妻二十七而寡無子與孀姑相依爲命姑亡哀毀幾不有生立姪以延夫祀苦節今二十四年

潘氏韓公順妻年二十八夫歿以紡績育遺孤盡哀禮於舅姑之喪鄉里咸稱之今守節已二十九年  
于氏監生童昺妻昺亡年二十有四撫三歲孤未幾復夭惇獨無依立孫以延夫祀守節今二十四年  
焦氏陳志晉妻二十九夫故子未及週歲姑年已八十

江都縣志

卷之二十九

列女

九十

氏仰事俯育拮据中閨葬祖姑翁姑及夫皆成禮後歷四十九年至七十五歲而卒嘗邀 恩賜粟帛焉  
鮑氏閔學妻年二十五夫歿學中鮮兄弟無爲之代養父母者氏黽勉有無上奉舅姑下撫兩孤子苦節歷三十一年而卒教其子奕仁奕倫皆成立  
郭氏文學祀鄉賢金彥選妻事舅姑曲盡婦道舅歿奉姑尤謹產三日卽下榻理家務不敢以纖毫煩姑心姆羅氏早逝遺兩子三女皆其所鞠育也爲之畢其婚嫁恩篤而禮儀無所不周彥選好行其義氏每多方贊成之邨族舉奉爲女宗焉

許氏郡文學江承琦妻年十八于歸姑已下世事舅者  
惟謹每夜篝燈事女紅伴夫洛誦夫疾憂勞廢食飲歿  
則矢以身殉因遺孤待育勉稱未亡人撫之苦節二十  
九年子登仕籍邀

錫命焉乾隆五年 旌表

魯氏朱唯善妻年二十九矢志歷三十三載乾隆五年  
旌表

孫氏儒童黃德妻家故貧紉績以供孀姑甘旨佐夫力  
學有女士之風夫歿茹荼集蓼育兩遺孤於有成苦節  
歷二十餘年卒

江都縣志

卷之二十九

列女

九十一

李氏諸生林琪妻二十九歲守節閨門之內肅若朝儀  
歷三十八年以全節終長子國學生士標妻劉氏夫死  
秉搯以禮法型宗鄰間季子士楨婦劉氏年二十六夫  
歿挺節繼美一門內風義卓然鄉里咸矜式焉李氏及  
士楨妻劉氏乾隆六年並 旌表

劉氏陳忠西妻事翁姑極孝姑病篤三醫束手氏潛搯  
利刃刲股作羹以進姑食之而愈其次子婦李氏居恒  
亦以孝聞劉疾瀕於死李念股肉有成效遂亦割而進  
之劉果獲甦鄉人多其一門兩孝婦而謂天之所以報  
劉者不爽云

羅氏州同程文光繼室也事姑曲盡孝道善視前子慈愛逾於所生文光病刲肉以進秘不使人知光飲之獲愈閱年後姑於夏日見其癍痕始廉而得之生平尤多淑行瀘州先著爲作傳

周氏幼許字宜陵鎮民羅尚致未婚而尚致亡氏年十七誓不改聘以處子執喪夫家守閨挺節風義凜然迄今歷三十三年矣鄉里爲具牘表揚之

謝氏汪顯仁妻夫歿時氏年二十有六矢志撫孤家徒壁立未嘗以艱苦易其操歷今三十年白首全貞可不媿也

江都縣志

卷之二十九

列女

九十二

王氏瓜洲人年二十八始嫁汪赤如赤如業販木婚三日木到赤如卽隨以往未幾客死於外家單寒無所依倚氏矢義不二操作以養孀姑歿爲竭力營葬痛夫無子撫外家之子承夫祀苦節今踰六十歲

吳氏監生張遴妻十四歲于歸二十一而寡矢志三十五年五十六以全節終

胡氏諸生劉同人母也同人父豐穀司訓懷寧卒于官其冢嗣早世同人甫弱齡宦貧寄櫬千里氏百極經營迺克歸其喪家故中落無尺寸之遺氏爲謀窆窆撫藐孤備嘗艱苦教同人讀父書有成且授室抱孫焉更念

冢嗣無後禮不可曠小宗卽以同人所生之長子繼之  
蓋尤能明大義云

景氏宜陵鎮景于裕女許字諸生唐玉衡未婚而玉衡  
卒時年十九父母將有他議氏不從力請就夫家守節  
祇事翁姑者十餘年兩更大故曲盡哀禮烝然弔影空  
閨秉操彌厲繼從姪以延夫嗣教育有方閭里賢之  
丁孝女名芸邑人丁年女也幼授以書史輒了大義長  
通文翰父母慎于擇配未有行父遭癱瘓疾起臥需人  
兄素羸力不能勝芸朝夕扶抱之遂誓不嫁以事父母  
亡何母疾亦類父舉體不仁芸一身左右兩親間眠食

江都縣志

卷之二十九

列女

九十三

溲溺皆所掖以上下嚴霜冬雪之夜未嘗少安枕蓆如  
是者二十餘年父歿浹旬而兄亦亡芸鬻衣飾以佐喪  
葬撫兄之遺孤爲教育之母老病益沉芸侍側弗忍離  
跬步誠求其意母賴以全年今八十有九芸年亦六十  
有一矣白髮婆娑猶守閨處子也

程氏儒童郭之沆妻明經程捷女也捷素與沆父友善  
締姻於未笄時沆賦性穎異工制義外凡詩古文詞書  
畫靡不窮其精奧屢困童子科不遇歲辛巳試吳陵失  
意歸薄暮抵城忽繞郭狂走越阡度陌漏下已三鼓從  
行者強挽之始返尋遂成顛疾數年不出一語人事

廢辛卯秋八月忽於其生辰日盥洗肅衣冠拜家廟拜父母及諸父母與諸兄弟揖讓進止從容若疾之豁然去其體者如是者月餘因卽於是歲完娶合巹時一切如常儀了無狂易狀迨夕不就寢踉蹌走父母所坐待旦自此遂別室而居蓋始終未成夫婦也先是氏待字閨中親串有言郭氏當離婚者或示以意氏毅然曰婦人之義從一而已且聞疾以抑鬱致安知不可慰喻解耶故有行絕無尤悔意凡沆之飲食嗜好百求順適之紉補澣洗曲盡其勞間值怒發飽毒拳亦不怨一日沆不知所之至暮不返氏長號竟夜詰朝踪迹得之俟抵

江都縣志

卷之二十九

列女

九十四

家始自進飲食其祇事之篤如此自辛卯距今已三十年氏年五十九矣居恒事舅姑極孝兩更三年喪盡哀盡禮工女紅知大體壺德具備雖古圖史所稱賢女子鮮能及之云

蕭氏邑人蕭韶女也生有至性甫六齡母以父疾露禱女卽泣拜隨其後稍長日諷經咒以爲父母祈壽許字史有義未嫁而有義夭女矢從一之義愿守節夫家父母慰解之終莫能挽遂往依孀姑祇事克盡婦道姑性潔飲食皆其躬調及病痢則手掬污穢而掩藏之自十  
九歲人史室多歷年所貞孝並著焉

王氏浙諸生王子猷女適仙女鎮民高有祺年二十六而寡貧無寸土僅敝廬二間而已氏撫週歲孤事七旬之翁嫗謀朝夕者惟憑十指翁嫗歿喪葬皆克自致教遺孤則口授經史苦節歷三十餘年年逾六十鄉里欲循例請旌氏謂此婦人常分謝弗從

葉氏永平令潘榮椿繼妻張氏其妾也榮椿卒於官葉年二十八歲張年二十九歲時長子光焯先卒於籍在署之子女皆幼宦薄寄櫬天末兩氏日夕悲哀同官憫之爲請於憲使始得給驛以歸歸而拮据喪葬冰蘖同操者歷二十七年矣光焯婦史氏自二十四歲守節今

江都縣志

卷之二十九

列女

九十五

歷二十八年一門矢栢舟之義者三人鄉里咸相與欽式之葉氏於乾隆七年題請 旌表

魏氏陳燾善妻年二十五夫攫瘵疾每夜露禱願以身代及卒絕粒矢從翁勉以撫孤乃強進餽粥其事翁者至孝課兩子皆有成守節歷四十八年年七十三而卒孫師崧邑諸生志泰康熙丁酉舉於鄉

高氏沈堯賓妻年十八于歸克勤婦職二十二而寡作苦以撫遺孤教之讀書有成子于蕃早遊庠序守節歷三十年人稱其母道並踐焉

韓氏祖燦進士父郡文學幼秉家訓知詩禮適國學生



李弘泌爲妻年二十三夫歿撫一子一女備歷艱辛事翁姑者極孝守節歷二十九年年逾五十而卒

汪氏國學生李弘沂妻夫亡年二十所生僅一女矢志以養舅姑撫遺息屏跡中閨動循禮度舅姑相繼沒毀瘠逾恒爲之蔬食者終其身教嗣子義渠有成守節今三十一年

雷氏貢生錢志遷繼妻于歸甫二載志遷歿氏年二十三歲矢志自衛守節三十四年至五十六而卒

唐氏諸生顧鳳威妻居邑之大橋鳳威以力學早世氏年二十有六哀禮交盡守節三十年撫一子一女皆成

江都縣志

卷之二十九 列女

九十六

立

卞氏郡文學劉世隆繼妻卞劉皆儒族其居室及有行悉能協於內則年二十九夫歿甘辛勤撫子女凜然節操長女爲前妻所出愛育尤踰所生居恒治家有條理鄰族咸矜式之守節歷二十五年教其子志遂有成由諸生入太學乾隆七年題請 旌表

童氏縣東鄉董子瑜妻年二十一夫亡遺孤甫襁褓家素寒儉氏健持門戶撫其子以克有成守節歷三十年當事給額旌其閭

姚氏邑諸生孫謀繼妻青年矢志撫前妻子池如已出

教之克遊庠序人稱全節焉又孫漢鼎妻祖氏年二十九歲守節歷三十年其子國學生詮妻陳氏年二十四守節姪庠生鰲妻殷氏年二十三守節蓋一門中貞修相繼云

楊氏郡諸生郭天佐妻天佐以棘闡薦而復絀遂抑鬱致疾死氏力貧撫孤苦節三十七年年六十有六卒

藍氏諸生方國棟妻年二十四歲夫歿子家奕耀祖甫襁褓卽教以讀書躬自課業家奕乾隆戊午科舉於鄉氏守節五十五年年七十八歲乾隆五年 旌表

陳氏鍾元龍妻年二十五夫歿代養舅姑撫孤子守節

江都縣志

卷之二十九 列女

九十七

子球弱冠補邑諸生授室後復卒氏與寡媳共撫遺孫歷艱辛四十年乾隆五年 旌表

譚氏駱乾徵妻年二十八而寡撫子霞龍時龍皆成立子復亡苦育孤孫今歷五十七年年八十五歲膺 恩

例兩賜粟帛

黃氏卞時直妻幼喪母哀毀如成人于歸後事翁姑極孝以織紵易甘旨奉堂上者必修腆已則糟糠屬厭而已姑病刲股肉療之獲愈黨族艷稱其賢長沙陳鵬年爲作墓表傳之子之澳膺歲薦有聲

于氏申承基妻夫亡年二十有五所生僅一女立嗣以

延夫祀未幾復夭氏孺獨無依歸其叔孝廉隆光家截  
髦守志二十年足不出內戶以全節終

江氏鮑清妻年十六于歸修行婦道二十九而夫歿代  
養孀姑育二子於有成守節今三十年

吳氏蔣祥繼妻年二十六夫歿奉兩世之姑嫜養致其  
孝喪盡其禮撫嗣子者教育備至守節歷五十五年

何氏王文政妻二十七歲守節以紡績養姑育子辛勤  
歷二十二年而卒

卞氏洲民張大鼎妻大鼎歿氏年二十有四貧無以生  
力耕撫孤守節歷今二十六年鄉人憫其苦而重其義

江都縣志

卷之二十九

列女

九十八

吳氏陳商書妻年二十五夫歿遺孤甫週歲家徙壁立  
氏以指工鞠育之長而教之讀書苦節今三十一年矣  
王氏鍾猶龍妻夫歿年二十六歲撫兩歲孤教育有成  
守節四十二年年六十七卒乾隆五年 旌表

蔡氏田益峻妻年二十九歲守節歷四十九年至七十  
有七而卒乾隆五年 旌表

吳氏蔣渭梁繼妻年二十六夫歿無子氏恐祖姑洎舅  
姑失養又慟若敖之乏祀也遂忍死以撫猶子爲後仰  
事俯育備極艱辛守節至八十一歲 恩賜粟帛

高氏蕭國文妻夫亡時氏年二十有六代養孀姑者二

十年撫五齡孤子於有成今守節歷二十七年

吳氏汪國培妻年二十六夫歿守節歷二十八年終

黃氏國學生陳天培妻年二十九夫歿繼猶子以承夫  
祀養孀姑以孝聞全貞白首黨族稱之嗣子師崧邑庠  
生

汪氏郡諸生朱佐妻夫亡撫幼子磊指工自給含涕課  
以父書苦節三十年磊獲遊庠序

劉氏賈覺生妻年二十八歲夫歿撫四齡之藐孤家甚  
貧苦育之以至成立守節歷四十二年今七十矣

郭氏儒童周師吉妻年十七于歸甫一載夫歿撫嗣子

江都縣志

卷之二十九

列女

九十九

守節辛勤教育歷二十八年以全節終嗣子克讀書成  
立補郡庠生

卞氏文學卞占五女素嫻禮教歸杜振鐸年二十五而  
寡遺孤甫襁褓翁姑憐其年少諷之改適泣謝不從事  
翁姑者極盡孝養未幾翁姑歿遺孤亦殤氏年猶未三  
十煢煢無倚姻戚多勸其自爲計者矢志益堅決茹荼  
苦守閱今五十六歲人謂不媿昔之稱女宗者云

洪氏附貢生吳爾祿妻二十九而寡撫兩孤一女備極  
艱辛長子兆麐年十六而夭次兆熊年十七甫授室而  
又夭與兆熊婦汪氏形影互弔共凜霜掄焉氏守節二

十年終汪自十七歲守節歷四十年遇乾隆 恩例兩氏一同 旌表

方貞女許字朱世蘧未婚而世蘧卒女矢義不二入夫家守節繼以身殉有司上其事題准 旌表

洪氏吳廷佐妻年二十九夫歿家貧苦節撫孤成立今閱三十八年

趙氏蕭日旬妻年二十八守節養孀姑撫孤子姑病割股肉療之家極貧事育皆憑十指歷今苦節三十七年程氏高承錯妻年十八于歸二十而寡子守空閨矢志自衛歷今二十一年乃得繼叔雛以爲夫後鄉里哀之

江都縣志

卷之二十九

列女

一百

苗氏本李鐸家婢鐸年踰五十無子收爲妾嫡御之嚴其得當夕者罕矣積數載始妊身生一子未週歲鐸亡嫡屢謀遣之哀慟乞留加虐焉亦甘受無二志於嫡前執婢役唯謹嫡病侍疾百極其勞歿則盡鬻家之所有爲喪葬費貧至一無依倚日不再食以爲常鞠孤繼世其苦節有非人世所堪者歷今三十有五年年五十七矣

汪氏國學生張四箴妻修行婦道動必以禮法自持夫歿氏年二十四以有遺孤三人勉稱未亡節操式於里黨長子馨入成均次雯次霽皆髫年補郡博士弟子人

以爲貞修之垂裕云

采姑不知其何許人幼鬻於汪光祿應庚家舉止絕不與羣伴類長益端淑光祿妻許夫人器重之嘗自脫臂釧賜焉許歿光祿爲擇良配議嫁采篤念恩義願奉主母主終其身屏跡一樓雖家人莫窺其面悲思無間歷七年而死光祿以義女禮葬之平山爲立碣識其墓方氏州同施瀛妻在室卽稱孝女結褵後動合禮法姑歿時以幼子女屬之氏鞠育以畢其婚嫁無少留遺憾焉夫因急友難被累繫質京師有誤傳其夫獄斃者遂哀號絕粒而死士大夫多作詩以弔其義有輓集行世

江都縣志

卷之二十九

列女

一百一

朱氏大橋龐德美妻夫歿家故貧又燬於火氏能苦節撫孤歷今二十六年鄉里具牘表章之

汪氏名家女及笄許字儒童吳爾順受聘甫四月未及親迎爾順死氏卽易衰麻入夫家守節繼姪爲嗣堅搯挺特今已二十四年鄉里高其行稱之曰節女

黃氏祁堯年妻年二十一夫歿矢殉家人以有遺腹勸勉之果生子氏憑女工養舅姑育孤嗣今苦節已三十二年

魏氏郡庠生嘉琯女適殷時澄年二十八時澄亡無子僅一女氏泣血撫之旣嫁而復夭伶仃益甚家極貧紉

織自給苦節今二十四年矣

李氏周玉徵妻陸氏周玉簾妻娣姒也李二十八歲而寡陸二十七歲而寡同秉冰搯撫弱嗣以待有成子復夭二孀零丁孤苦相依爲命李守節歷三十五年年六十三而卒陸守節歷今四十五年年七十二矣

宋氏史文周妻年二十而寡遺腹獲生子撫之植節歷三十二年卒郡守尹以詩弔而旌之

朱氏張綱鎮民丁淳篤妻二十二歲夫歿養翁姑撫孤子歷五十三年年七十有五前邑令嘗給扁旌其廬

李氏王爾愛妻年二十七夫亡撫藐孤以指工自給苦

江都縣志

卷之二十九

列女

一百一

節三十三年

王氏邑之貧民女年四歲母歿父鬻之於余維璜家幼卽端謹至二十一維璜以無子收爲妾生一子而殤維璜妻死繼姪爲嗣時璜亦年老矣欲嫁之誓死不從迫之自經者再事遂寢閱數年璜年且八十憐氏後將無依密爲擇配氏聞大慟旦起奮身投溷廁死曰吾寧受此污也鄰里高其義爲沃以清泉殮而葬之送者傾巷陌焉乾隆四年十二月十一日事也

汪氏監生吳殿伍繼妻年二十于歸克盡婦道撫前妻子及庶子愛育如已出夫素多病門戶賴氏支持葬六

世之棺柩與竭心力焉夫亡氏年二十九矢節教孤俱克成立黨族競稱其賢

周氏石守忠妻守忠亡氏年二十五歲守節歷三十九

年乾隆三年

旌表

舊志載有石守義妻周氏其守節歷年皆同已照編於前此據詳旌

縣案採錄

徐烈婦郭宗富妻居臨街陋室中素能以禮自閑宗富資担负爲生一日早出無賴子儲淳者矚其少艾乘氏滌滌器於門遽入挑之徐且詈且避淳尾後以手拍其肩氏大叫聲聞於隣淳乃竄夫歸具訴其事夫隱忍未發詰朝夫再出氏忿恚自縊死里民間於官縣令龔實

江都縣志

卷之二十九

列女

一百二

儲於法爲詳

旌祀貞節祠

孫氏王長科妻年二十九夫亡事孀姑惟謹夫僅遺一釋女含辛以撫育之俾克有家今守節二十一年

汪氏進士刑部郎汪懋麟女適梁楠廕爲繼妻楠廕選授福建龍溪縣縣丞履任過里門病卒氏年二十三歲飲冰植節撫前妻子侃如己出教之讀書成立游郡庠有聲訓所生子傑偉皆循循有法度偉入國學氏守節歷三十五年歿乾隆七年具題 旌表

周氏文學劉大壯妻年十八于歸大壯業春秋工制舉藝棘闈三薦而未售早世卽冥士林惜之氏年二十八



守節撫伯氏子侗爲後教以讀書纘緒侗補郡博士弟子員貞修懋著歷今已二十有一年

戴氏大京兆夢麟女孫光祿署正思謙女適孝廉方夢駟西安布政使觀冢媳也家故隆盛于歸時則已中落矣氏才智通明能守約以持其門戶無何夢駟疾亟剖股肉療之卒不起撫叔之二齡子爲夫後茹荼植節門以內禮法斬斬其娣曹氏編修源郊女建昌府同知夢騏妻夢騏擢漢中守未及行而卒於建喪歸後氏與姆同秉節操亦撫叔之襁褓子爲嗣後先媲美蓋足爲士大夫家樹閨範云

江都縣志

卷之二十九

列女

一百四

蕭氏郡文學楊秉忠妻夙通詩禮秉忠於歲試遭疾考場中歸而殞所遺無子女家徒四壁氏年方少堅矢柏舟之志繼幼姪爲夫後以甯工撫育之長而爲竭蹶授室已則冬無完絮日不再飽者以爲常氏今年且逾五十矣

楊氏郡庠生雷凱妻夫亡時年僅逾二十矢志植節家徹寒竭力以養翁姑及歿而喪葬皆成禮遺孤錫爵甫二齡教育之使成立歷今守節二十餘年居閨帷中並著禮範

郭氏貢生郭元銳女幼喪母事父與後先兩繼母皆極

孝恂恂然動合禮度居室卽有賢淑聲歸魏元嶠奉舅  
姑者必敬必誠家貧際缺乏則質其衣飾以分堂上憂  
元嶠績學登賢書氏敝服操井臼如故性溫克能經務  
而未嘗少露其才居恒喜愠不形處娣姒間蹈謙率禮  
雍睦之化翕然撫猶子女之弱喪者愛憐惟恐有傷御  
下尤仁恕家人仰之如慈母中年以勞瘁卒內外悲頌  
之者無間言郡守高爲製誄曰孝純德粹人謂其無愧  
詞云

仇氏農民貢成儀妻年十九而寡翁姑憐其少諷以改  
適氏甘力作代養撫二孤雛成立苦節二十餘年今已

江都縣志

卷之二十九 列女

一百五

抱孫矣鄉人稱其孝慈兼盡

右列女內諸節婦見於舊志者其守義歷年若干  
俱照原本不敢妄增以存歿莫考也再其編次則  
以舊志所有者列前核增者附後亦不能分其時  
代之近遠蓋或湮淪於昔今乃得表而出之爾

雍正十年府志附載諸貞節無傳者按編於左 今已  
搜有

舊傳者  
不復載

鄭氏諸生錢志偉妻夫亡守節教其子永年

方氏易尚文妻守節五十餘年

袁氏梁窳妻夫亡守節 舊未註  
年數

梁氏卞懋昭妻守節五十二年

虞氏諸生張之通妻守節三十一年

梁氏高凌妻守節五十餘年

薛氏夫嚴姓失其名守節三十二年

方氏謝士位妻守節五十一年

陳氏蔣學文妻夫亡守節

舊未註  
年數

朱氏尤雲生妻守節四十八年

許氏汪文蔚妻守節二十六年

高氏徐日章妻守節四十八年

唐氏童聖公妻守節五十餘年

楊氏監生王廷儀妻守節四十餘年

喜氏卞咸遂妻守節四十三年

江都縣志

卷之二十九

列女

一百六

孫氏汪璋妻守節五十年

高氏武舉劉臨地妻守節三十一年

范氏何天爵妻守節二十七年

康熙五十六年縣志傳載列女甚夥雍正府縣志多

未採錄今恐有遺貞修編附各姓氏備考

已見雍正  
志者不錄

季獻明妻節婦王氏

樓元震妻節婦華氏

姚應鳳妻節婦胡氏

梁應圻繼室節婦方氏

汪有慶妻節婦許氏

周之藩妻節婦王氏

常士建妻節婦蘇氏

景抱赤妻節婦沈氏

陳九儀妻節婦金氏

李元臣妻節婦丁氏

孫枝芳妻節婦王氏

葉天榮妻節婦方氏

龐正誼妻節婦左氏

龐惇妻節婦彭氏

生員彭天與妻節婦張氏

申忠吾子婦節婦雷氏

程萬篆妻節婦徐氏

潘承學妻節婦杜氏

羅若履妻節婦葉氏

張有典妻孝節朱氏

楊武泰妻節婦郭氏

史以達妻節婦姚氏

生員田日昇妻李氏死難獲救免夫亡守節

許光震妻李氏乳繼姑遺小叔長爲婚娶鄉里稱賢

徐仁趾曾祖母李氏祖母楊氏母仇氏相繼皆以二十

四歲守節各至白首

江都縣志

卷之二十九

列女

一百七

監生魏國材妻節婦朱氏

顧襟宇妻節婦蔡氏

嚴光祖妻華氏割股救姑守節

吳榮登妻節婦汪氏

朱之璉妻節婦李氏

汪承澎妻節婦洪氏

朱襄妻節婦顧氏媳張氏

陳其盜妻節婦錢氏

闕之芳妻節婦趙氏

姜宗尹妻節婦丁氏

黨楹妻節婦朱氏

孝廉許銓妻某氏割股守節

汪德標妻節婦戴氏

焦溥妻節婦戴氏

汪立原未婚妻貞女朱氏

茹爾鼎妻節婦王氏

王加貞妻節婦閻氏其姒吉氏

高文陞妻節婦馬氏

宗念慤妻節婦朱氏

張國泰妻節婦王氏

孫明生妻節婦張氏

郭惟章妻節婦劉氏

楊子雯妻節婦張氏

朱承妻節婦卞氏

曾襄愍曾孫婦孝節陳氏

胡天祥妻節婦周氏

邑增生張近妻節婦郎氏

冷邦佐妻節婦韓氏

諸生孫柟妻節婦馬氏

李光豫妻節婦殷氏媳蔣氏

林君瑞妻節婦楊氏

冷中美妻節婦曹氏

張之道妻節婦任氏

宋之璉妻節婦李氏

諸生鄭迪妻節婦楊氏

陳孝銘妻節婦吳氏

江都縣志

卷之二十九

列女

一百八

邵茂泰妻節婦楊氏

孫林生妻節婦翁氏

吳國璉妻節婦汪氏

南邦卿妻節婦張氏

秦士晉妻節婦梁氏

仇為翰妻孝婦高懋貞

汪長潤妻節婦吳氏

程簡臣妻節婦周氏

鄭聖彥妻節婦陳氏

諸生徐家孺母節婦俞氏

胡先明妻蔣氏秉貞教子邀一品封

秦岱齡妻節婦康氏

周日昌妻旌表節婦王氏

鍾文錫妻節婦陳氏

袁天璧妻節婦陳氏

謝仁佐妻節婦呂氏

王元德妻節婦曹氏

陳天球妻節婦王氏

朱祉侯妻節婦吳氏

孫肇慶繼妻節婦汪氏 諸生王我授妻節婦郭氏

諸生蕭璐妻節婦蔣氏 王家祚妻節婦趙氏

陳以<sup>某</sup>妻節婦尹氏 沈奉西妻節婦黃氏

邵子選妻劉氏妾陳氏同苦節

劉國賓妻節婦譚氏 程廷諱妻節婦王氏

廩生貧沛妻馮氏 貧洵妻節婦雷氏

王文迪妻節婦杭氏 陳咸章妻節婦殷氏

解鼎任妻節婦黃氏 高卓妻節婦陳氏

諸生程壯猷繼妻節婦吳氏

汪氏囚奪志盡剪其髮撫子寵有成

江都縣志

卷之二十九

列女

一百九

張聖贊母節婦孟氏贊妻馬氏

張金臣妻節婦居氏 高愈諫妻節婦姚氏

吳琳妻節婦閔氏 郭宗子妻節婦王氏

吳自元繼妻節婦程氏 卞懋爵妻節婦梁氏

徐良輔妻節婦卞氏 王之師妻節婦程氏

呂應芬妻節婦張氏媳崔氏

蔣懋忠妻節婦高氏妾錢氏

徐來瑾妻節婦喬氏 諸生黃寶臣妻節婦劉氏

張啟緒妻節婦王氏 張德甫妻節婦王氏

卞勲銘妻翁氏長媳周次媳許皆相繼守貞全節者翁

女適於劉亦節婦翁婢秋香夫死亦守義

周錦妻節婦史氏

劉新宇妻節婦吳氏

王立奉妻節婦黃氏

李長貴妻節婦殷氏

袁啟泰妻節婦浦氏

朱纓妻節婦余氏

常德母節婦楊氏

藍宗森妻節婦倪氏

孟士貴妻節婦郝氏

常旂妻節婦范氏

廩生范寅妻節孝馮氏

張遴妻節婦吳氏

梁淮之繼妻節婦范氏

宗瓚妻節婦趙氏

薛秀妻節婦鄭氏

當維垣妻節婦詹氏

卞王質妻節婦朱氏

姜崇堯妻節婦蔡氏

江都縣志

卷之二十九

列女

一百十

鍾元祺妻節婦王氏

錢邦華妻孝婦史氏

張世熠妻節婦袁氏

丁奇謀妻節婦汪氏

楊汝臨妻節婦貧氏

魏以恭妻孝節王氏

常某妻節婦賈氏

李世愛妻節婦繆氏

吳燦宇妻節婦董氏

李叢梅妻節婦張氏

楊國臣妻節婦王氏

謝紹芳繼妻節婦李氏

王尚才妻節婦張氏

吳道岸妻葉氏貞修訓子

王文玉妻節婦周氏

弋潛妻節婦詹氏

溫士元妻節婦張氏

曹國珍妻節婦張氏

諸生蕭士琦妻節婦李氏

鄒育生妻節婦康氏

賈志達妻節婦朱氏

諸生李機母馬氏以孝淑稱

方嶧未婚妻江貞女名義順

貧思敬妻節婦郭氏 金逢時妻節婦方氏

貧賡載妻節婦雒氏 嚴士義妻節婦馬氏

胡宗安妻張氏以知禮盡孝稱

團鴻寶妻汪氏以孝繼姑稱

王嘉錫妻節婦李氏 楊文質妻節婦唐氏

卞汝淳妾節婦陳氏 濮豪妻節婦黃氏

貢生喬蔚宗妾節婦鄭氏 俞象潮妻節婦武氏

江都縣志

卷之二十九

列女

一百十一

卞兌陽妾張氏撫他姬子守節

都司侯應蛟妻韓氏守閨教子媳郭氏田氏皆節婦

盛廷培妻節婦黃氏 任日華妻節婦李氏

葛振漢妻節婦邱氏媳俞氏

劉恒妻節婦蕭氏媳朱氏 張維乾妻節婦毛氏

臧遠卿妻節婦周氏 柳塘妻節婦汪氏

王景元母節婦吳氏又姪婦劉氏

翁珏妻節婦周氏 指揮孫夢奇妻節婦張氏

駱日明妻節婦蔡氏 賈必灼妾節婦景氏

郭某妻節婦白氏 丁國紳母貞壽金氏



趙萬銘妻節婦劉氏

馬鳴谷妻節婦張氏

芮可大妻節婦稽氏

唐迅之繼妻節婦陳氏

唐之忠妻節婦吳氏媳王氏

文興吾妻節婦胡氏

王道進妻節婦卞氏

朱琦妻節婦汪氏

紀世勣妻節婦朱氏

余燮妻節婦卞氏

諸生夏弘妻節婦管氏

許陽生妻節婦羅氏

謝士臣妻節婦李氏

馬孟機妻節婦薄氏

李廷彥妻節婦趙氏

王我桓妻節婦陳氏

魏世潮妻節婦梅氏

沈振名母節婦孫氏

汪祺妻節婦呂氏

江都縣志

卷之二十九

列女

一百二十一

郭子干妻節婦白氏

諸生吳元善妻節婦史氏

朱廷茂妻節婦楊氏

張時雍妻孝節盛氏

程鴻圃妻節婦閔氏

邵坦妻節婦夏氏

又原志總列青年勵節白首全貞者

卞時彥妻李氏

費益新妻張氏

張國統妻劉氏

張國綱妻劉氏

生員潘之某妻王氏

趙可受妻蕭氏

李念松妻卞氏

嚴繼舜妻卞氏

生員何攀龍妻彭氏

蔣廷薦妻孔氏

生員蔣香妻顧氏

徐光成妻張氏

序班劉子顏妻楊氏

生員劉國觀妻婁氏

殷輅妻劉氏

殷大武妻趙氏

生員卞爾箴妻程氏

徐汝信妻姚氏

張祥妻劉氏

何其仁妻周氏

割股附錄

已見本傳者不複編

程氏汪之炅妻一割救姑兩割救夫凡三割

徐氏汪遐齡妻幼割救母適汪兩割以救翁姑夫病又

割股救之一生凡四割當姑病時徐將產毅然奏刀尤

人所難

以上屢次割股

江都縣志

卷之二十九

列女

一百十三

劉氏蘇登甲妻

劉氏蘇謙妻

吳氏方伯妻

楊氏許偃妻

高氏貢生仇爲翰妻

華氏嚴光虞妻

楊氏許靚山妻

王氏魏以恭妻

張延齡妻

吳氏汪國培妻

以上救翁姑

孫氏韓日暹妻

朱氏女月恒

王氏馬亮妻

樊孝女

王氏張宗仲妻

魏氏藍輝妻

樊氏生員史積璋妻

黃氏沈奉西妻

以上救父母

王氏吳如璵妻

文氏王詢妻

熊氏王汶妻

錢氏生員李弘永妻

朱氏張有典妻

羅氏吳自充妻

韓李氏

吳氏徐士鈞妻

以上救夫

